

مصطفى محمود



المكتبة العربية


[www.tipsclub.com](http://www.tipsclub.com)

[amly](http://amly)

عندنا



دارالمعارف



مصطفى محمود

# عنبير

الوقت والخير

الطبعة الرابعة



دار المعارف

طبعة ١٩٥٧ م - ١٣٧٧ هـ - ١٩٥٧ م - ١٩٥٧ م

# لايتند

---

الناشر: دار المعارف - ١١١٩ كورنيش النيل - القاهرة ج.م.ع.

## الوقت رخيص

في مقهى المتبولى كل شىء رخيص.. الوقت رخيص..  
والكلام رخيص.. والضحك رخيص.

تستطيع أن تدفع ثمن كوب من الشاي وتجلس.. فتأتى  
الحياة إلى مائدتك.. تأتى إليك آخر الأخبار.. وآخر  
الإشاعات.. وآخر النكت.. ويسعى إليك رجل ليمسح  
حذاءك.. ورجل آخر ليقرا عليك موعظة.. وآخر يسحب  
لك قردًا.. وآخر يبتلع منشأراً ويحملك أنت وكرسيك على  
أرنية أنفه.. ويقول إنه فنان يأكل أربعة أرغفة في الفطور  
من عرق جبينه.

وعلى الرصيف بين كيزان الحلبة والطراير وباعة  
الكشري تجد نفسك جزءاً من «سينما سكوب» شعبي يتغير  
باستمرار.

الجرسون وهو يحمل على ذراعه ثلاث طلبات وشيشة  
وطاولة وطقطوقة وترنج وهو يصيح «أيوه المضبوط  
معايا.. أهوه» والمحامي الشرعي وهو يجلس لا يبدو منه  
إلا قفاه وقبضة يده وهي تروح وتجيء في حلقات من  
الدخان.. القضية في إيدى اليمين.. النفقة.. والمقدم..  
والمؤخر.. والبهدلة كمان.. كله على الله وعلى.. هي دي أول  
قضية والا آخر قضية يا بو سليمان؟

وشلبي أفندي صاحب المونوكل والبابيون والمنشة..  
ومكوجي الرجل بدكة سرواله التي تتدلى على الأرض.  
والعمدة والسمسار.. وبنات القلقل.. والنشال.. ومدرس  
الخط.. ومأمور الضرائب.. والمأذون.. والشماس..  
والعرضحالجي.. ومائة آدمي. منكفنون على الموائد يلعبون  
النرد ويتهامسون ويتشاجرون ويعلو شجارهم فنسمع بين  
قرقعة الدش والدبش كلماتهم المبحوحة.

- دي معاملة يا راجل.. ده كلام تقوله.. أردھا أردھا  
إزاي.. والشنب ده كله يروح فين.. دنا أقطع الدراع اللي  
تمد لها!.. دي واحدة ما يتمرش فيها العشرة والمعروف..

خمس سنين.. وأنا شايلها في عينيه هات يا زكى.. روح  
يا زكى.. اقبض يا زكى.. ادفع يا زكى.. أطلع يا زكى..  
انزل يا زكى.. لما داخ زكى وغلب.. وآخر المواخر تعمل في  
كده.. وعاوزنى أردھا.. أردھا ازاي. دا الطلاق فيها شوية..  
دى عاوزة الدبح .. الدبح والكعبة الشريفة يا شيخ.. وحق  
المقام الطاهر.. وحياتك يا نعمة.. إني بعث أهلى على الولية  
دى. وخربت بيتى وشردت عيالى.

بلاش تعاملنى أنا عامل ربنا.. عامل ضميرك.. وخليك  
حاكم عادل.. يرضيك خرابى.. يرضيكوا أنتوا يا ناس..  
دنا زكى.. زكى أبو الذهب.. اللهم طولك يا روح.. زكى  
بطاطى لولية قليلة الأصل.. ويرجع فى كلامه.. طب والله  
لأنا رايح مخلص على الولية دى عشان ترتاحوا.. أوعوا  
بقه.. أوعوا سيبونى.. أوعوا ياناس..

وتشايك حلقة الناس حول الزوج المهتاج.. فيجلس  
وهو يسب ويلعن، ثم تعود الضجة فتغرق فى قرعة الدش  
والدش من جديد..

ويتسلل إلى المقهى رجل ضامر هزيل يبيع الكتب..  
وينادى عليها بصوت رفيع مخنوق..

ابتهايات.. أورد.. استخارات.. خطب منبرية.. أحاديث  
محمدية.. تفاسير..

ويدور في المقهى مرتين.. ثم يتوقف عند جماعة من  
إخواننا الأقباط وهمس:

قصص الآباء اليسوعيين.. أقانيم حنا وبولص. وصايا  
القمص جورج جوس.. كلمات بطرس الناسك..

ويختفى في الزحام ثم يعود للظهور ليدس في يد كل  
واحد إعلاناً ويوشوش في أذنه..

كتاب غرامى، اجتماعى تناسلى.. قصة امرأة باعت  
جسدها للشيطان.. صورة صريحة تعرفك بالمرأة على  
حقيقتها مائة صفحة من اللذة المتواصلة!.. أسرار الحياة  
الجنسية تكتب لأول مرة..

ويفتح الكتاب على رسم عار ويلوح به في إغراء ثم  
يرفع عقيرته من جديد:

ابتهالات.. أوراد.. استخارات.. خطب منبرية..  
أحاديث.. تفاسير..

ويختفى بين الموائد المزدهمة وسحب الدخان.. ويصفق  
زبون في الركن. ويطلب قهوة على الريحة.. ثم ينسى الطلب  
وينام. وينام على وجهه الذباب ويتدلى فكه وتتراخى ذراعه  
في شبه غيبوبة..

والوقت يمضى.. والنهار ينتصف ويبدأ المقهى ينفذ  
وتتحول الطبيعة النابضة إلى طبيعة ميتة.. الكراسى مصطفة

في دوائر كل منها ينظر إلى الآخر كأنه يتكلم.. وعلى ظهر  
كل منها بقعة كبيرة من الزيت والعرق.. وعلى مقابضها  
بصمات متلاصقة.. وعلى الأرض آثار البلغ والأحذية  
والقباقيب والأقدام العارية وأعقاب السجائر.. وفي الركن  
الشيخة تستند إلى الحائط وجمراتها ما زالت تنفث الدخان..  
وعلى الحوض عشرات الأكواب مقلوبة، والمعلم يفتح درج  
الحساب ويعد القروش والجرسون يجلس القرفصاء على  
الأرض وقد اعتمد رأسه بين يديه. وأمامه على الحائط تتدلى  
لوحة كبيرة مكتوب عليها بالكوفي.. يارب. وإلى جوارها  
صورة للحرم النبوي.. وكشف طويل بأسعار الينسون  
والقرفة والقهوة والشاي والمعسل.. وفي الناحية الأخرى..  
يتكوم الحاج أمين العجوز.. وأمامه السواك والمنشة.. وقد  
استغرق في نوم عميق.. وإلى جواره يجلس المعلم زكى..  
الزوج النائر لكرامته يلعب وحده أمام طاولة مفتوحة ويلقى  
بالزهر في عصبية.. والصمت يلف المكان.. ويدوى له صوت  
في الأذن.. صوت أعلى من الضجة.. ويتحرك المعلم زكى  
لينهض.. وفي رأسه نية مبيتة. إنه ذاهب إلى مطلقته وهو  
ينهب الأرض بخطوات مسرعة وقد كثر عن أنيابه.. وشدد  
القبضة على عصاه.. لن تعيش فطومة بعد اليوم، سوف  
تصبح في عداد الموتى..  
ويعبر الميدان وأعصابه تغلى.. ويقطع شوطاً حامياً من

المشى فى عدة شوارع وأزقة بدون هدف.. ثم يبدأ فى الهدوء.. وتتبخر ثورته. وتذهب مع العرق. وتتراخى قبضته على عصاه ويقف عند قصاب ليشتري عدة أرطال من اللحم. ثم يقف مرة أخرى أمام قفص الدجاج ليشتري بطة.. ثم يضرب فى الأزقة حتى يبلغ سوق الفاكهة فيشتري لبشة قصب.. ويحمل هذه الهدايا كلها إلى بيت فطومة..  
ويقف أمام الباب يدقه فى فرح حيوانى، وهو يبرم شاربته.. ويتخيل الليلة المقبلة.. وفطومة فى أحضانه وخدها يتلوى تحت شفتيه.. ويجرى ريقه بطعم ساخن طرى كقطع الملبين.. فيدق من جديد.. وقد تدفقت فى عروقه رغبة ملحة.. وفى نفس الوقت.. تدق ساعة الميدان..  
لقد مضت ثلاث ساعات من الوقت.. الوقت الرخيص.

## عنبر ٧

سنة كاملة قضيتها في هذا المكان راقداً في عنبر كالحراية  
في مستشفى من عشرات العنابر مبعثرة في الصحراء كعلب  
الصفائح.. بين مرضى يسعلون وبلهتون كأنهم في عالم  
بلا هواء.

كل شيء هنا منظم.. حتى سعالى يعاودنى كل ليلة مع  
الفجر فيضبط المرضى عليه ساعاتهم.. فإذا انقطع يوماً  
أقبلوا على بوجوه مصفرة ورفعوا عن رأسى الغطاء  
هامسين:

- وله.. وله يا عوف.. مال حسك مش باين ليه.. أنت

ميت.

فأسعل في حدة لأؤكد لهم أنى ما زلت حياً وبصحة  
جيدة، سنة بطولها.

ومضيت أفكر.. فى حين تملل الزميل الذى يرقد على  
السريـر بجوارى وناولنى الصحيفة التى يقرأ فيها وهو يسير  
إلى خبر أحاطه بالخبر..

- شوف.. طلـعوا دوا جديد للصدر..

ومسحت العرق عن جيبى ولوحت ييدى فى وجه  
الذباب الذى ينام على فراشى ويغطيه كحبات صغيرة من  
الفلفل.. وكان الحر لا يطاق.

وعاد صاحبى يلوح بالصحيحة:

شوف الدوا الجديد..

وعدت أمسح العرق من جيبى وألعن الدوا الجديد  
والدوا القديم..

- يا أخى سببى فى حالى..

- ده.. دوا.. حايخففك فى شهر..

- يا سيدى مش عايز أخف.. عايز أموت..

- أعوذ بالله..

- تصور نفسك راقد فى التلاجة دلوقت.. ومقيش عليك

ديانة واحدة.. تساوى كام دى..

- أعود بالله.. فال الله ولا فالك يا شيخ..
- ليه يا سيدى.. وأنت آخرتك حاتروح فين حاتروح  
السيها.. ما أنت حاتروح التلاجة يرضه..
- يا سلام على بوزك الفقري..
- ونظر إلى في غضب تم لوى شففيه وترك الغرفة..  
وجلست وحدى أتيش الأرض وأتأمل ظل المكوم على  
الرميل.. وانظر من جانب عيني إلى الأفندي الوحيد الذى  
يلبس البيجاما بين المرضى وهو واقف فى المر يغمر إلى  
المرضة بعينه فتضحك وتبدو فى خديها غمازتان..
- وضايقتى هذا الغزل فوقفت ألوح بيدي عند الباب:
- يا است..
- إيد يا عوف. عايز إيه؟
- دماغى..
- ماها دماغك؟
- عايز أسيرينه..
- طب روح على سريرك الأول وأنا أجيئك إلى إنت  
عايزه.. ما تقفش كده زى غفير الدرك..
- غفير درك إيه يا ست.. هو أنا مش مالى عينك.. والا  
يعنى أكنى مش لا بس بيجامة.. والا يعنى..

ورفعت صوتي ليصل إلى الطبيب ورحمت أجمع:  
- والا يعني فيه خيار وفاقوس في العنبر.. والا اكمنى  
ساكت ومش عايز أتكلم.. والا يعني الطيب في الدنيا دى  
ما ينفعش.. لا يا ست.. دنا راجل حر.. وال ..  
وناولتى الدواء لتسكتنى

ووضعت الأقراص في شق جلبابى.. وخرجت أتمشكح  
أمام العنبر..

وكان في انتظاري منظر طريف.. سرب من الزائرات  
عائد لتوه من الدرجة الأولى.. تتقدمه امرأة نحيلة  
محصونة.. تسير في الأظه وتصرخ بصوت مسرع:

- أمال فين جهاز التكييف.. مش حقة المستشفى يحط  
جهاز التكييف في كل أوده.. مش حقة الإدارة ترش ميه..  
وتحط شماسى.. وتزرع الصحرا دى.. حرام العيان يعيش  
بالسنة والاثنين ما يشوفش حاجة خضرا.. حرام.. حرام..  
وغمغمت المرضات في سخرية: حرام.. حرام.. حرام..

وجريت كالفأر أفتح باب العربية للدمام وأراقبها وهى  
تجلس في الأظه على المقعد وتميل على صاحبته هامسة:

- لازم أفوت على الكوافير.. شعرى بقى زى  
العنكبوت.. أوف.. إيه الحر ده.. السوتيان شادد على  
صدرى خالص.. معاكى إزازه الكولونيا..

- ازای مدام لیلیان تحط جوزها فی مستشفی زی ده..  
ده منفی.. دی لازم عاوزه تقتله..

- أصله غنی أوی.. وعجوز..

- وبجلائیة وطاقیة تصوری!

وسکبت الכולونیا علی یدیها وراحت تغلسها عدة  
مرات وانطلقت العربة..

وحینما أفقت إلى نفسی کان إلى جواری.. الشیخ  
حامد.. درویش العتبر الأبله.. وکان یلوح بالعصا فی وجهی  
وهو یتف کعاداته:

- قول یارب..

ووجدت نفسی الطعمه علی قفاه فی غیظ:

- یا أخی طهقتنی.. یا أخی ربنا موجود فی کل مکان  
وشایفک وسامعک.. ومش عایز هلیرستک دی.. جدد.. جدد  
شویة فی الفن..

- أجدد ازای یا راجل یا ضلالی؟.

- قول یا فلوس.. قول یا عمارات.

- أمشی انجر یا راجل یا ضلالی.. أنت ربنا مش  
حایفتح علیک أبدا.. مش طالع منها عمرک یا کافر..  
یا مجوسی..

ولوح بالعصا في وجهي وبانت في عينيه الشراسة..  
فأسرعت هارباً إلى غرفتي وسمعته يضرب النافذة  
بنبوته ويصيح:

- قول يا رب..

وكان الليل قد انتصف حينما ألقيت بنفسي على فراشي  
ورحت أنظر إلى شريط القمر المفضل الذي يتساب من  
النافذة.

وأغمضت عيني.. ولكني ظللت مؤرقاً.. كان شخص  
ما يصفر تحت نافذتي ويتأوه بأغنية عاطفية.. وكنت أشم  
دخان سيجارته عند أنفي.. وقمت أسير في خفة على أطراف  
أصابعي.. وخرجت من العنبر فوجدته جالساً على دكة  
ورأسه مائلة إلى الورا وعيناه ثابتتان على القمر الشاحب..  
نصف مغمضتين.. هو نفسه الروميو المتيم أبو بيجاما فقلت  
ساخراً:

- يا سلام على الجلالة يا سلام.. وخداك الجلالة أوى  
ياوله.

فانتفض كأنه يفيق من إغماءة:

- مين.. إيه ده.. فيه إيه..

- فيه عدول يا عاشق الروح.

- إيه الكلام الفارغ ده.. إنت إيه اللى جابك.  
- الحب هو اللى جابنى.. الحب يا روحى.. الحب  
يا فاتك. يا قاتل.

وركعت عند قدميه بحركة مسرحية..

فضحك:

- أما بهلوان صحيح..

أيوه أضحك يا روحى.. ورينى سنانك اللولى..  
وشفايفك الورد.. أضحك عشان قلبى يضحك لك.. لطفى..  
روحى.. قلبى.. حبيبي..

- يا راجل اعقل..

- أنا اللى أعقل.. أنا يا صايع يا عواطلى.. ضحكت  
علينا الناس يا شيخ.. ماشى سرحان.. قاعد سرحان.. نايم  
سرحان.. على إيه ده كله.. واخده عقلك أوى يا خويا..  
بتقولك إيه والنبي..

- يا راجل بلاش كلام فارغ..

- بتقولك.. لطفى.. طوفه.. طفطوفه.. ارحمنى.. باحبك..  
خدنى معاك.. قوللى بحبك يا نرجس..

- لا.. دنت.. زودتها خالص..

يا راجل يا شخصيخة.. يا راجل فوق لنفسك.. وفتح

عينيك.. مش كويس كده البنات يجروك من خطمك زى  
الحروف.. مش كويس كده البنات ياكلوك ويحلوك بيبك.. بص  
لنفسك فى المراية.. شوف وزنك إلى راح.. شوف وشك  
الأصفر.. لا بتاكل.. ولا بتشرب.. ولا بتنام.. وقاعد  
يا عيني إيدك على خدك زى الولايا.. مكوى يا ضنايا  
وسهران.. واللى كاويك رايح فى سابع نوم.. قلبى عليك  
يا روح أمك..

- بلاش قلة أدب يا عوف..

- حاضر يا روى غلطان.. متأسف.. هات إيدك  
أبوسها وراسك كمان وخدك.. و..

- بلاش تهريج..

- أنا قلبى عليك.. العواطف هنا تجارة.. البنت بتكسب  
ببها الدكتور والعيان والموظف والمأذون.. وتضيع أنت فى  
الزحمة.. مش راح توصل أبدا.. حاتوصل للمشرحة يدوبك.  
ما عندكش حاجة تبيعها فى السوق.. ما عندكش عمارة  
ولا عزبة ولا رصيد فى البنك.. ما عندكش إلا صحتك..  
وعمرك.. وأيامك اللى بتعيشها بقطع النفس..

فأجاب فى ضعف وقد اصفر وجهه:

- وعازىنى أعمل إيه..

- عازىك تشوف صحتك.. تلتفت لنفسك..

- لكن أنا باحبها يا عوف..
- بتحب إيه حيك برص..
- بحب نرجس.. وهى بتحبني أنا لوحدى..
- يا سلام على الطهارة يا سلام.. لايق عليك العبط  
واقفه.. أهو أنا دلوقت عذرتها..
- ليه..
- عشان الواحد عيب يشوف حمار زيك فى السكة  
مالوش صاحب.. ولا يركبوش.. ده أنت لقطه..
- وكان العاشق قد ضاق بالحديث، فهب واقفاً..
- إيه رايح على فين؟
- رايح اتمشى فى الجبل شوية..
- حد يتمشى فى الجبل فى نص الليل..
- زهقان ومش جايلى نوم..
- طب خدنى معاك أحميك من الديبة..
- وتأبطت ذراعه وسرنا نتسكع بين كنبان الرمل.. وبلغنا  
غرفة التليفون.. وكان عامل التليفون يغط فى نومه وجرس  
التليفون يدق على رأسه بشده.
- وأسرعت إلى السماعه أرفعها.. آلو.. وكان الصوت يأتي

من الخارج، من مكان بعيد، من القاهرة..  
 - ألو.. عاوز الأنسة نرجس من فضلك..  
 وايسست وأعطيت السماعة الثانية لزميلي لسمع ذلك  
 الصوت الحبيب الذي يعشقه..  
 ألو.. دقيقة واحدة من فضلك.  
 وظلمت بيت البنات؛  
 - ألو الانسة نرجس معاك يا قندم..  
 ووضعت إصبعي على فمي محذراً لطفى من الدخول في  
 الكلمة.  
 - ألو نرجس.. أنا عادل..  
 - أهلاً عدولة.. ازيك.. انت فين واحسنى خالص.. إيه  
 كل الغيبة دى يا خاين.. دانت ما يتمرشى فيك العيش  
 صحيح..  
 - ما يتمرشى في العيش والويسكى.. مش كده..  
 - هى.. ويسكى إيه بقى متفكر نيش.. دنا في حالة يعلم  
 بيها ربنا.. لا باكل ولا بنام.. ولا..  
 - يا سلام على الإخلاص..  
 - مش مصدقنى طبعاً عشان إنت خاين.. لكن ربنا عالم  
 حالى.. أنا اللي عايشة على ذكراك وحيالك..

مؤثرة يا بت.. قطعنى قلبى..  
- بلاش تريقة يا عدولة.. أنا لازم أشوفك.. لازم  
أقابلك.

- لكن أنا مشغول اليومين دول..  
- أخص عليك ونرجس حبيبتك.. البرجس العطشان  
مين يرويه..

- أنا أرويه يا روحى.. أرويه بدمى..  
- لا مش عايزة دمك.. أنت دمك ثقيل.  
- أمال عايزة إيه..  
- عايزاك إنت.. عايزة قمورى..  
- طب تتقابل بكره.. استناكى فى البيت الساعة  
السابعة..

- واجى ألقى قمورى مستنى.. وعلى تار..  
- تيجى تلاقى قمورك.. ولا على باله..  
- أخص عليك يا وحش.. جاك قرصة..  
وكنت أنظر إلى وجه لطفى وهو يصغى إلى المكالمه..  
وكان يشحب بالتدريج حتى أشرف على الإغناء.. فأسندته  
على ذراعى وغادرت الغرفة..

ولفحة الهواء الرطب فأفاق قلباً.. وبدأ يتحامل على  
نفسه وسرنا معاً في خطا متناقلة إلى العنبر وملت عليه قائلاً:  
- الظاهر أن الإخلاص منتشر أوى اليومين دول..  
ولم يجب..

ومرت دقائق.. ونحن نسير كأننا نسير في جنازة.. ثم  
قلت أداعبه:

- معلش يا طوفة.. كل حلم وأنت طيب.. بكرة تعيش  
ويركبوك تافى.. ما تستعجلش على رزقك يا أخى..

وظل صامتاً.. ثم قال فجأة بصوت حزين:

- بحبها يا عوف..

- انت بتحب عذابك.. بتحب مرضك.. وحرمانك..  
عاوز تلم الناس حواليك عشان يقولوا يا عبنى على شبابه..  
يا عبنى على جماله.. مسكين يا روحى عليه.. شوقوا المرض  
ما بيرحموش.. مقيش حد قلبه عليه.. حتى اللى بيحبها  
خاتمه.. عاوز تحس إنك ضحية.. إنت علاجك مش حقن فى  
العضل.. أنت علاجك حقن فى المخ..

- وألاقى فين حقن المخ بس..

- تلاقىها عندك إنت بس..

- مش معقول.. الحقن دى عندها هى يا عوف.. فى

أيديها هي.. سعادتي كلها في أيديها..

وسكت قليلاً وحلق أمامه كأنه لا يراني.. لم أخفي  
رأسه بين راحتيه، وأخذ يبكي وينسج كالطفل.. وهو يغمغم  
بصوت مختنق: بحبها..

وصرخت أنا في جثتي:

- أنت راجل حمار.. إنت غاوي تياترو.. إنت  
ما ينفعش فيك إلا العافية..

وكنا قد بلغنا البوابة الكبيرة.. وكان على ذكة البواب  
دورق كبير به ماء فأمسكت به وقلبت على رأسه.. فابتلت  
خصلات شعره الأسود وأخذ الماء يسح من وجهه.. ويختلط  
بالعرق والدموع..

ونظر إلى كطفل صغير غضبان..

كان صباحًا جديدًا منعشًا.. وقد خفت حدة الحر.. وبدأت  
زرقة السماء صافية ندية..

وجلست في غرفتي اتشغل بقراءة صحيفة.. وعيناي  
تختلسان النظر إلى نرجس الواقعة في الباب وقد التوت  
سحتها وفاضت حقدًا..

وكنت على يقين أنها تفكر في قتلي.. ولهذا يادرت بإثارتها.

- يا ست..

- إيه.. عاوز إيه..

- عاوز راحتك..

- أبعدي عني وأنا أرتاح..

- لكن أنا ما أطيقش البعد يا ست..

- ما تطيقش.. جاك طاقة في مخك يا بعيد.. لم لسانك..

وخش على سريرك..

- مانا يا ستي على سريرى أهوه. حا أعمل إيه

كمان.. أخش في المرتبة..

- إن ما سكتش يا عوف حاضر ب تليفون دلوقت

للدكتور بيحيى يادبك..

قلت أذكرها بكاملة الليلة السابقة:

- التليفونات ما تبقاش دلوقت يا ست.. التليفونات  
تبقى بالليل.. الساعة اتناشر تتكلمى على كيفك.. تكلمى  
عدوله.. وحموده..

- إيه الكلام الفارغ ده..

وإذا ما جاش عدوله تقولى له.. جاك قرصة.. يا دوله..  
وفهمت ما أقصده فجأة.. واصفر وجهها واحمر من  
الخوف والحجل والغیظ فى وقت واحد.. بينما تشاغلنا أنا  
بالصحيفة التى أقرؤها.. وكأنه لم يحدث شىء ذو بال..  
وسمعت وقع أقدامها وهى تبتعد عائدة إلى الأجزاء..

وناديت على رفيق حجرى الصغير:

- وله.. وله يا سمسم..

فخرج كالجرذ من تحت السرير:

- إيه فيه إيه..

- أنت مخفى تحت السرير ليه؟

- قاعد فى الدقا..

- دقا إيه يا واد.. ده الدنيا نار..

- إنت اللى مخليها نار يا عوف..

- إزاي!!

- مزعل أخنى ليه..
- أخنك دى مين يا واد.
- أخنى نرجس..
- الله.. هى بقت أختك خلاص..
- وفجأة رأيتُه بمسكنى من خناقى:
- اسمع أنا بقولك.. إنت ما تزعلش أختى دى أبدًا..
- وكان الشرر يطاير من وجهه الصياني..
- فقلت ضاحكًا:
- حاضر.. سمعًا وطاعة.. يا والدى.. أنا غلطان..
- سامحنى النوية دى..
- وترك جلبابى ولكنه ظل ينظر إلى بحدة..
- وقلت له عائبًا:
- كده تزعل أبوك اللى بيحبيلك الكراملة..
- والتوت سحنته وهو ينظر إلى:
- وانت تزعل أختى ليه..
- وانت إيش دخلك فى الحاجات دى..
- أنا عارف كل حاجة.. أنا مش صغير..
- عارف إيه..

- عارف إنك بتحبها.. ومش طليل.. وعشان كده  
يتزعلها دائماً..

واحمر وجهه وسكت فجأة كأنما تكلم أكثر مما يجب على  
حين ظلمت أنا أخلق فيه بدهشة ثم انفجرت ضاحكاً؛  
- بحب أيه يا راد.. مين اللي قال لك الكلام القارغ  
ده.. مين اللي دخل الكلام ده في دماغك..  
- أنا شايف بعينه..

- شايف إني باحبها؟..

- أيوه..

- وعاور تضريني عشان بحبها.. وتاخذها مني وتهرب  
بيها في الصحرا زي بدر لاما.. مش كده.. وتتصبوا خيمة..  
وتحبيوا ميه من البير وتشربوا.. وتحلبوا الناقة وتعيشوا زي  
حسن ونعيمة.. أما رواية جميلة صحيح.. ذنت روميو كبير  
ولا نيش عارف يا سمسم.. مش تقوللي كده يا أخى عشان  
أبارك لك..

وكان الطفل ساهياً وأنا أروى هذه القصة.. كان يتخيل  
فعلًا أنه أصبح بدر لاما.. وأنه يجري في الصحراء على ناقة..  
ونرجس في أحضانها.. والواحة الخضراء تبتسم لها من بعيد..  
وظل على أحلامه حتى أيقظته بهزة عنيفة من كنفه قائلاً:  
- إلا قوللي يا سمسم.. إنت اطاهرت والا لسه..

واحمر وجهه من الغضب ثم هجم على وخمشني بأظافره  
مثل قطة هانجة.. ثم هرب..

ووضعت يدي على وجهي أتخسس قطرات الدم التي  
تسير من الخدوش الطويلة الحادة..

«حي.. موجود.. موجود.. وحد ربنا يا ضلالى وحد  
ربنا»

ضرب الشيخ حامد بنبوته على النافذة.. ثم دخل يتعثر  
في جلبابه الطويل.. وجلس على السرير.. ووضع نبوته على  
حجره وهو يرمقني بازدياء:

- أنا مش حاشرب عندك حاجة يا ضلالى.. ولا كباية  
ميه.. لأن كل حاجتك نجسة..

- اعقل بقه يا راجل يا شمام.. وبطل الوش إالى فى  
دماغك ده.

- أنا راجل شمام.. أنا..

- أمال أنت إيه.. راجل سارح بريالته وسابق هبله على  
الخلق يبقى إيه؟

- ماتخوضش فى سيرقى يا عوف لحسن ربنا يسخطك..

- يسخطنى إيه بس.. ما أنا انسخطت خلاص واتحكم  
عليه بعشرة الهبل إالى زيك.. هوه فيه بعد كده سخطه..

- ارجع لربنا..

- لا إله إلا الله..

- توب.. توب إلى الله.. انفض إيديك م الدنيا.. دى  
دنيا فانية.. لقمتهها فانية.. وهدمتها فانية.. و..

- لكن يا شيخ حامد أنا بلا حظ أنك بتتخانى كل يوم  
على اللحمة..

- يا حى يا قيوم.. اغفر لعبيدك الضالين.. اغفر لهم  
بقه.. عشان خاطرى.. شيل الحجاب من على عينهم..  
وضرب بنبوته على الأرض:

وأخذته الجلالة فانتفض وأخذ يدور حول نفسه كمغزل  
صوف وهو يصيح:

شيله بقولك شيله

شيله بقولك شيله

ثم هداً وجلس يمسح عرقه.. وأخرج من جلابه كتاباً فى  
التسايبح وأخذ يقرأ فيه بصوت جهورى:

- يا غنى يا قوى.. يا قهار يا جبار يا ماجد يا أحد  
يا صمد.. اللهم يا نور النور.. استحلفك بالورق المسطور  
والرق المنشور أن تجعل فى قلبى نوراً وفى سمعى نوراً وفى  
بصرى نوراً وعن يمينى نوراً وعن شمالى نوراً وعن..  
- على الله يا عم.. على الله.. يحخن.

فوقف مشدوهاً لحظةً وهو يحماق في وجهي ثم احتضن  
نبوته ومضى إلى الباب وهو يستعبد:

- اللهم إني أعوذ بك من ليلة السوء ومن ساعة السوء  
ومن صاحب السوء ومن جار السوء ومن كلمة السوء.. ومن  
محضر السوء..

وخرج..

وتعددت على سريري أفكار.. وأسعلت سيجارة.. وفي  
قلبي ابتسامة عريضة.. وظللت أدخن مدة طويلةً جاوزت  
ساعة لم أحس فيها بالزمن.. ثم أفقت على منظر لطيف وهو  
يقف في التافذة وقد بسط أمامه لوحة وراح يرسم عليها  
بالألوان.

وتسللت إليه في هدوء.. ثم وقفت إلى جواره أهمس:

- عوّلِي بقره يا طوفه.. إيه آخر أخبار الغرام..

- بقاها يومين بتلف حواليد.. وتصالح فيه..

- سيدي.. يا سيدي.. وأنت طبعاً شادد في العريض

وسابق دلالك..

- لا أبدأ.. أنا زعلان فعلاً.. زعلان لأنها كدابة يتكذب

عليه..

- وعاوزها ما تكديش عليك.. أما عبيط صحيح.. عاوز

بنت صغيرة ما تكديش..؟ ليه.. هي تاكسي.. عاوز تركب

على بقها عداد.. يا بنى كلهم هنا كدايين.. وأنت كمان  
كدايب زهم..

- ليه..

لأنك لما حيت المستشفى.. قلت لكل أصحابك إنك  
مسافر البلاد.. كدبت عليهم عشان ما يعرفوش أنك راقد في  
مستشفى المسبل وأنك عيان بالسل.

- أنا معذور يا عوف.. لأن المرض ده وحش..  
وما حدش بيطبق سيرته..

- وهي كمان معذورة.. لأن سيرتها بطلاة ومحدش بيطبق  
يسمعها.. وكل واحد في الدنيا معذور..

- ولما كلنا بطلين.. ما تسنى أحبها يا أخى.. وأدى  
أحنا بطلين زى بعض..

وسكت لطفى عند هذا الحد.. ثم عاد إلى الرسم..  
وغمس فرشاته في اللون الأسود وبدأ يوزع الظلال..  
وكنت اتتبع أصابعه المرتجفة الضعيفة وهي تمسى على  
اللوحة..

وأتفك لحظة ونظر إلى نظرة صبيانية خبيثة لم أخرج من  
جيبه مظروقا:

- تعرف ده إيه؟

- إيه آ..

- جواب من نرجس..  
وسكت لحظة ثم أردف كالطفل:  
- مش حاوريهولك..  
- بلاش.. وتا كمان مش عايز أشوقه..  
ولكنه كان يتحرق شوقاً.. إلى عرضه على.. وقال بعد  
دقائق:

- طيب أديهولك تقراه.. ولا تقولش لحد..  
- أنا مش عايز اقراه..  
- بلاش سخافة.. خد أهو اقراه عشان تتعلم ازاي  
كتابة الجوابات..  
وأخذت منه الجواب.. وبسطته أمامي.. وأخذت أقرؤه  
بصوت تشبلي متهدج:  
حبيبي طوفه..

أبعث إليك بسلام أعطر من الورد والريحان.. وبشحية  
أرق من سلسبيل الماء..  
مرت أيام وأنا لا أنام.. من خصامك وغرامك..  
إن قلبي الذي لم يعرف سواك.. لا يستطيع أن يشي  
هواك.. ولا يستطيع أن يخونك..  
أنت روحي.. وأنا لا أستطيع أن أخون روحي..

لقد غابت عنى ابتسامتك فغابت عنى الشمس وأصبحت  
أعيش فى الظلام يا حبيبى..

إنى أبكى كلما سمعت أم كلثوم تغنى يا ظالمى.. فأنت  
ظالمى وهاجرنى وقلبى من هواك بجروح..

احترت.. واحترت ذليلى معاك..

أشكى لمن ظلمك ليه. يا سارق من عينى النوم..

حاعيش على ذكراك.. وأموت ضحية هواك..

طوفه يا حبيبى

ليه خلتنى أحبك.

لقد كنت أعيش سعيدة خالية البال.. مثل الأطفال..

فعلمتنى الحب والهوى والجمال.. تم تركتنى وحدى غارقة فى

دموعى وأشجاقى.. ونسيتنى.. وأنا ما زلت أهتف باسمك

وأحلم برسمك.. طوفه.. ارحمنى.. ولا تظل فى تعذيبك..

وكفاية خصام..

المخلصة إلى الأبد

نرجس

وطويت الخطاب ونظرت إليه بابتسامة عريضة:

- مؤثر يا وله أوى الجواب ده.

- البنت فى الحقيقة غلبانة وكاتباه بتأثر عميق.

- أيوه كاتياه بتأثر عميق.. وطابعه منه عشر نسخ..  
مش كده.

- إيده؟!

- طابعه منه عشر نسخ يا خيبان.. دي رابع نسخة  
أقرأها الشهر ده.

- يعني إيده؟!

- يعني العشاق كثير ومفיש وقت تألف لكل واحد  
جواب.

- إنت كذاب.

- حاضر.. أنا كذاب.. سكت.. وقفلت بقى.

- إنت معندكش إنسانية.

- ومعنديش إنسانية.

- عوف.

- أيوه.

- إنت مالکش دعوة بنرجس.. مالکش دعوة بيها..  
ولا تتكلمش عنها أبدًا.

- حاضر.. ماليش دعوة بيها.. والثوبة الحماية لما تيجي  
نسقينى جواباتها زى الشربة.. حاغمض عيني وأسد وداني.

- إنت أصلك سيء الظن بالناس.. وبتشوفهم كلهم  
بظالين.. لكن نرجس بنت طيبة.

- تمام.. طيبة وأصيلة وشريفة.. ومن نسل النبي.  
وكان الغيظ قد فاض به حينما بلغت هذا الحد من  
الكلام.. وكان شارباه يتراقصان كشاربي الأرتب البري..  
فأشعلت له سيجارة وتركته ليستعيد هدوءه.. ودخلت إلى  
العنبر.. وأنا أفكر.

ولأول مرة بدأت أتك في قيمة نصائحي.

إن الشطارة ليست كالتياب تليس من الخارج.

ولطفي لن يتحول بنصائحي إلى رجل شاطر.

إنه في حاجة إلى الخطأ.

وجلست على فراشي.. أدخن.. وانظر إلى ورقة التبض  
والحرارة.. وكان الليل قد بدأ يزحف.. والمصباح الصغير  
لا يكاد يضيء الغرفة الكالحة.

وذهبت أبحث عن السيرتاية وعن كنكة الشاي..  
وأشعلت الشريط.. وملأت الكنكة بالماء.. ولكن اللهب  
ما لبث أن خبا وانطفأ.. وقلبت السيرتاية.. لم يكن بها نقطة  
سيرتوو.. وكذلك الزجاجه.. كانت فارغة.

وكانت هذه هي المرة الثالثة التي تفرغ فيها الزجاجه

بعد ساعات من ملتها.

كان هناك حرامي سبرتو في العنبر.

ودخل عم زكى.. المريض المحول من الليمان.. وخلفه  
العسكري.. وكان يرقص.. ويعنى.. وعيناه وارمتان حمراوان  
كقدحين من دم.

ونظرت إليه في ارتياب:

- عم زكى..

وظل يرقص. دون أن يلتفت إلى:

- أيوه يا بلدينا.

- بطل رقص وكلمنى.

- أيوه يا بلدينا.

- أمور اللومنجية دى مش عليه.

- لومانجية إيه يا بلدينا؟

وعاد إلى الرقص.

وأمسكت به من كتفه في غيظ:

- بص هنا.. قوللى السبرتو وديته فين؟

- سبرتو إيه يا بلدينا!

- إنت عارف سبرتو إيه.

- أنا مش عارف حاجة.

وعاد إلى الرقص.. ثم شهاوى على الفراش فجأة..  
بلهث.. ويصق بصقاة نصفها دم.. ثم بدأ ينزف من فمه..  
بغزارة.. وأغمى عليه..

وأسرعت استدعى الممرضة والطبيب.. وأضع على رأسه  
كمادات من الماء البارد.

ومضت دقائق ثقيلة.. ثم أحسست به يتقلب.. ويفتح  
نصف عين.. وينظر إلى هامساً:

- بلدينا..

- أيوه يا عم زكى.

- أنا اللي شربت السبرتو.

- إزاي.. إنت مجنون.

- عاوز أنام.. بقى لى سنة مش عارف أنام.

وعاد إلى السعال والنهجان.. وسكت فترة طويلة.. ثم  
أردف:

- إنت تعرف الأفيون؟

- لا.

- أنا عشت طول عمري أشربه وأكله وأتاجر فيه..

كانوا يسمونو آبر النوم.

ونظر إلى السقف المنخفض وسرح.. ثم عاد يتحدث:  
- ودلوقت بقيت لومانجي.. عندي سل في صدرى..  
وعسكرى.. على الباب.. راح التوم من عين أبو التوم.  
مفيس أفيون يا بلدينا.. مفيش إلا الإزازه أم ثلاثة  
صاغ.. أملاً بيها بطنى زى السرتاية.. وأرقد زى القليل..  
أصلى راجل ابن حظ.

تشرب لك كاس يا بلدينا.  
وأغمض عينيه متعباً.

ودخلت نرجس.. وكشفت عن ذراعه الناحل.. وغرست  
فيه إبرة المورفين. وبدأ ينام..

وأشعلت سيجارة.

ومن خلف النافذة سمعت صوت لطفى الهامس..  
وصوت نرجس المتهدج وهى تجاوبه.. ثم رأيت شبحها  
يتلاصقان وهما يبتعدان فى الصحراء.

- طوفه.. بتحبتي؟

كان صوتها يصل إلى من بعيد.. ولم أسمع بماذا أجاب  
طوفه.. ولعله كان ينعكس رأسه فى خجل العذارى.  
ولم أعد أسمع سوى أنفاس اللومانجي.. وهى تتردد  
منحوية كفتح الأفعى.

وكان العسكري ما يزال يقف على الباب.  
وأغمضت عيني أفكراً.. وسرحت طويلاً.  
كنت أستري زجاجة السبرتو كل يوم فيشرها  
اللومانجي.. سل.. وسجن.. وأفيون.. وسبرتو أحمر.. فاضل  
إيه!

وفتح الرجل عينيه وضغط على يدي:

- ازيك يا بلدينا.

- يا عم زكى تام.. احنا ما صدقنا إن الدم قطع.  
- أنام إيه يا بلدينا.. أنام على المورفين.. هو الأفيونجي  
ينام على المورفين عمره!

- مش كنت تايم دلوقت؟

- كنت مسلطن يا بلدينا.. مسلطن.

- طيب مسلطن لك شوية كمان.

- اسمع.. قوللى.. مش ممكن اليت تدينى حقنة كمان؟

- حقنة كمان ازاي.. إنت محتون.. دنت وأخدها عشان

التزيف.

- إن كان على التزيف ممكن أجيبه تاني.. شوية هز  
وذلك الجروح تفتح.. وأملا بصقة كمان..

وبدا يهز صدره.. ليجلب الدم من جديد.. فأمسكت به..  
وقيدته بالقراش:

- إيه إنت مجنون يا عم زكى.. عاوز تموت نفسك  
عشان حقتة مورفين..

- يا سيدى أنا حر.. أموت نفسى.. أشق نفسى.. أنا  
حر فى جنتى يا بلدنا.. هم حاطينك مخبر على.. تكونش  
عسكرى تانى.. لابس مدنى.. يا ناس سيبوني يا ناس..  
يا ناس دنا ابن حلال.. دنا..

وبدا يبكى.. ويتشج كالطفل.

- إيه بس يا عم زكى أمور العيال دى.. دنا صاحبك  
وحبيبك يا خويا.

- حبيبى.. بتقول حبيبى يا بلدنا.. ده مفيش حد  
بيحبنى أبدا.. ده عمر ما حد حبنى فى الدنيا.. دول كانوا  
دائما يقولوا عنى مجرم.. وحيوان.

- أبدا دول هم اللي حيوانات.. دنت راجل أمير.. وابن  
حلال.. وكلك إنسانية.

- آمال بابيع أفمون ليه.. بابيع السم للناس ليه.. لما كل  
إنسانية.

- ظروفاك جت كده.. يعنى هو انت يتبعه بس..

ما أنت بشربة كمان.. ويتشرب عليه سيرتو أحمر.. وخل  
ونظران،

- أيوه تمام.. خل وقطران..

وسكت لحظة ونظر في عيني في تردد:

- يعني مش زعلان مني عشان سرقت السيرتو.

- يعني سرقت العزبة يا سيدى.. دنت عملت زى

الحرامى الغلبان اللى سرق الكفن وشنق نفسه به.

- أيوه تمام سرقت الكفن وشنقت نفسى بيده. طب

ما أنت راجل ابن حلال أهوه.

وعاد ينظر في عيني وهمس بصوت منخفض:

- تكونش يتشرب أفيون زى.

- لا أبدا.. ما أعرفوش وحياتك.

- أمال يعنى بتدافع عنى أوى كده ليه.

- عشان بحبك.

- بشجبنى.. كويسه دى.. وأدى واحد على آخر الزمن..

بيحك يا عم زكى.

ومسح العرق عن جبينه.

وضرب يده في شق جلبابه وأخرج علبة من الصفيح.

فتحتها بأنامله المرتعشة.. وناولها لى.

- لف لي سيجارة لف.

وتناولت العلبه.. وبدأت ألف السيجارة.. تم أشعلتها.  
ووضعتها بين شفتيه.

ومضى يدخن في سراهة.. تم أردف بعد فترة طويلة من  
الصمت:

- من ثلاثين سنة يا بلدنيا كنت عيل صغير.. سني عشر  
سبن يدوبك وكنت أكبر أخواتي.. وكانت أمي تسيب لي  
العيال كل يوم.. وتقول لي خد بالك منهم يا زكي.. كان  
أهلي يجبوني.. وكنت أحبهم.. وكانوا يدلعوني.. ويقولولي  
يا زكوكه.. روح يا زكوكه.. تعالى يا زكوكه.. خد  
يا زكوكه.. هات يا زكوكه.. وبعدين.

وضحك في سراسه وهو ينظر من خلال الجدار.

- وبعدين بقيت مجرم.. عشان بصيت من خرم الباب.  
وعاد يضحك.. وقد غطى عينيه.

- ما كنتش أعرف إيه ورا أخرام الأبواب.. كنت  
صغير.

وأحرق في الصمت من جديد.

ومرت لحظات.. تم عاد يتكلم في صعوبة:

- .. بحيث أيامها خوتك حمر.. وكان قيم واحد

لا يبجى.. أمى تنبه على أنى ماجيش سيرة لأبوياء.. وكانت  
أخده.. وتقعده معاه مدة طويلة فى الأودة. وتقبل الباب.  
وفى مرة حظيت الكرسى وطلعت عليه.. وبصيت من  
خرم الباب.. وشفت أمى من غير هدوم.  
وغطى عينيه.. ومرت لحظة رهيبه:  
- أمى.. عارف يعنى إيه أمى..  
وسكت.

وأمعن فى السكوت.. ثم عاد يتكلم فى صعوبة:  
- وبعد كده عملت كل حاجة.. طفشت من البيت..  
وسيت البلد.. ودخلت أصلاحية.. وملجأ.. وسجن.. وشربت  
الأفيون.. وتاجرت فيه.. وبقيت مجرم.. وحيوان..  
ونظر إلى.. وضافت عيناه.. حتى أصبحنا كتقيين.. وبدأت  
عليه الشراسة.

- مالك.. ساكت ليه.. ما تتكلم يا بلدينا.  
كان يجز على أسنانه من الندم ويود لو قطع لسانه الذى  
تكلم أكثر مما قدر له أن يتكلم.  
وبدأت يده تنقبض وتنبسط فى تشنج.. وأخذ يرمقنى فى  
كراهية.  
وحول وجهه إلى الحائط.

والحنيت أ مسح على جبينه.. وأهمس في رقة:

- دي حاجات بتحصل في كل الدنيا يا عم زكى

- أبوه بتحصل لكن بعيد عن العيون.

- حظك جه كده.

- وليه ييجى كده يا بلدنيا.

- وليه يكون فيه سل.. وليه يكون فيه موت.. وليه أى

حاجة بتحصل في الدنيا.. وليه ما تريحشى نفسك من ليه..

يعيش زى الناس اللي بيعيشوا.

- الناس ماشافوش اللي شفته.

- الناس ما بيصورش من خرم الباب.

- أبوه.

وسكت.. كمن تلقى ضربة على رأسه.

- ويعدين.

- ويعدين تشيل عينك من خرم الباب.. وتبص للدنيا

حوالك من تانى زى خلق الله.

- أبيض من تانى.. ما خلاص يا بلدنيا.. الدنيا بتاعتى

انتتهت.. مافضلش فيها غير عسكري وكلبش وتمره نحاس..

- أبداً ما تنتهش.. لسه قدامك عمر طويل.. وحانتخف..

وحاجبك إفراج.. وحاطلع.. وحاتعيش من جديد.

- وحاكبر.. وحابقى شاطر.. وحاتجيبلى لعبة.

وابتسم وضحك فى مرارة.

- أنا بقيت راجل عجوز يا بلدينا.. وعضىمى تشف من

الغب دور على نفسك انت.

- ما احنا فى الهوا سوا.. ما احنا اخوات يا عمى.

- اخوات.. حلوه دى.. كلامك حلو يا بلدينا.

ونظر إلى فى وداعة:

- بتقول احنا اخوات.. حلوه دى يا بلدنيا.. كلمة زى

الأفيون تمام.. ننام عليها بقى.

ولف نفسه فى الغطاء.. وأغمض عييه كالطفل، وتراخت

أهدابه.

ومرت دقائق من الصمت.. وأحسست أنه بدأ ينام..

فخرجت أتمشى فى المعمر.. ثم دخلت غرفتى وألقيت بجسدى

المتعب على الفراش.. وتحت نافذتى سمعت لطفى يصفر

بفمه لحناً رقيقاً.. وسمعت دخان سيجارته.

وأغمضت عيني.. وبدأت اليقظة تترجح فى رأسى بالحلم..

وعبر خيالى شبحان تحيلان.

كنت أعرفها جيداً.

كان أحدها يعذبه حبه.. والآخر تعذبه كراهيته. وكنت  
أحس أني شبح ثالث.. لا أعرف عنه شيئاً. وبدأ كل شيء  
يذوب في ضباب النوم.

- قوم اصحى.. قوم.. انت يا سيدنا.. فتح عينك.. قوم.  
كان هناك أكثر من صوت واحد يتكلم في أذني.. وكانت  
دوامة النوم تجذبني كلما حاولت رفع رأسي فأغيب في هوة  
الأحلام من جديد.. وتختلط الأصوات في سمعي بشيء مثل  
قرع الطبول.

- قوم اصحى.. يا جدع.

وفتحت أجفاني في ببطء كأنها بوابة صدنة طال إغلاقها..  
وكان أمامي أكثر من ثلاثين مريضاً.. كلهم أفواه  
مفتوحة.. وأيد تلوح في الهواء.

- قوم.. قوم اصحى.

وطار النوم من عيني فجأة.. ووجدت نفسي أقفز في دعر  
واعتدل في قرأسي وأنا أهتف:

- إيه.. إيه فيه إيه..

- فيه اضراب.

وبدأت أمسح جبيني وأحاول أن أفهم.

- إضراب إيه.

- إضراب عن الأكل.

وعدت أمسح على جبهتي.. وأنا أتمتم في ببطء:

- لكن دنا كلت.. إضراب ازاي.

وبرز مريض من زعماء المجموعة ليجاويني بعنف:

- بقى اسمع يا عوف.. بقى انت ما تخرجشى على

الإجماع.. إحنا قررنا الإضراب.. يعنى الكل يضرب.. يعنى

الكل ما ياكلش.

- لكن دنا كلت يا جماعة.

- لا.. إنت ما كلتش.. إنت مضرب عن الأكل...

ورميت غداك فى الزبالة.. فاهم.

- حاضر.. أنا ما كلتش.. ومضرب عن الأكل.. ورميت

غدايا فى الزبالة.. فيه حاجة تانية.. تسمحوا لى أنام بقى.

- تنام ازاي.. إنت لازم تقف معنا للنهية.. الدكتور

جاي.. ولازم..

وظهر الدكتور فى نهاية المرر.. تندلى من فمه لفافة تبغ.

وانفجر المرضى كلهم يتكلمون فى وقت واحد:

- شايف الأكل يا بيه.. شايف الرز اللى نصه حصى..

والشورية اللى زى مرقة القلقاس.. والعضم.

وخرج رجل عجوز من الصف فى يده أروانة عدس

وضعها تحت أنف الطبيب:

- والعدس وحياتك يا بيه.. جايبين فيه جرادة.. بص  
سعادتك.. جرادة.. جرادة بحالها.

- إزاي؟

- أهه وحياتك يا سعادة البيه.

- والقرع.

ووقف الطيب يممص شفته اشمترًا.

- والعيش.

- والبيض.

وكسر المتكلم بيضة في طبق.

- وده أكل العيانيين الغلابا.. اللي ماهومش غير ربنا.

وكان من الواضح أن الطيب في لخرة وأنه يواجه حملة لم

يتأهب لها.

ووقف يفرك يديه في ضيق ويبحث عن حل.

- لكن ده مش معناه إضراب.. مش معناه إضراب

أبدًا.. انتو تاكلو.. وتكتبوا شكوى.. واحنا نحقق ونجازي

الطباخين.. لكن كده ما ينفعش.. ما ينفعش.. ثم أنا كمان

ما أقدرش أرد على خمسين بيتكلموا في بق واحد.. ثم ده

مش نظام.. ثم..

- يا بيه يرضيك إن احنا نموت من الجوع.. شوف

دفترى.. بقالى سنة بتعالج.. نقصت فى الوزن.. وكله من الأكل.

ونظر الطبيب إلى صاحب الدفتر فى حدة وهرش رأسه.  
محاو لا أن يتذكركه:

- أيوه أنا افكرتك.. مش أنت فتحى.. مش انت اللى  
حققنا معاك عشان بتسكر.. وبتلعب قمار فى العنبر.. مش  
انت اللى طلعتك من البير سكران الشهر اللى فات..  
تصوروا يا إخواننا مريض.. يشرب.. ويلعب قمار.. يلعب  
بحياته وصحته.. حتى أقراص الفيتامين إالى بنكتبها له  
ييلعب بيها قمار.. كان ناقص يحط معدته فى طبق ويلعب  
عليها.

وتحمس الطبيب وقد وجد حلا يخرج به من الأزمة.  
- وبعد كده يشتكى من نقص الوزن.. ويقول الأكل..  
أكل إيه..؟.. مش عاجبك الأكل طبعاً.. عاوز مزة.. مش  
كده.. مش كده يا سى فتحى.. عاوز مزة.  
وتلفت الطبيب حوله فى وجوه المرضى:

- ويصح برضوا تمشوا ورا واحد زى ده وتطاوعوه..  
وتضربوا.. ده برضه هو النظام.. أنا عارف إن العنبر ده  
مشاغب.

- المسألة مش مسألة عنبر مشاغب.. المستشفى كله

بيشتكى.. والأكل وحش.

- احنا بنصلح الأكل باستمرار.. وبنجتهد آخر جهدنا.. لكن انتو لازم تمشوا على النظام.. فاهمين.. النظام من فضلكو.. كل واحد يروح على سريره وياكل.. وأنا حاعمل تحقيق فوراً في شكواويكم.. وانت يا سى فتحي خد دفتك وروح على سريرك.. ومش عاوز مشاغبة.

ونظر إليه نظرة حادة ثم مضى مسرعاً إلى بيت الأطباء.. وهو يخطف خطواته.. كأنه يخشى أن تنبت مشكلة أخرى تلحق به في الطريق.

وكان العنبر يغلى من الغيظ.. والكل ينظر إلى فتحي على أنه سبب فشل الإضراب.

- يعنى يا سى فتحي كان لازم تشتكى من الوزن في الساعة النحس دى.

- يعنى كان لازم تعمل زعيم وتجب لنا الشبهة.

- ما كنت تروح تشرب خل وتسيبنا في حالنا يا أخى.

وكان مريض آخر يميل على الرجل العجوز صاحب أروانة العدس هامساً:

- إدينى الجراة بقى خلىنى أمشى.

- ما تمشى يا بنى وأنا حايشك.

- إيدني جرادتي مش أنا اللي صايدها.

ووقفت أبتسم وأنا أرقب المعركة تنفض والحماس يبرد.  
والمظاهرة تنحل إلى أفراد.. كل واحد مكوم على فراشه..  
يجذب الملاءة في عصبية أو يدخن أو يهز ساقيه. والصحراء  
تمتد أمام الجميع كبساط ساخن تلسعه كرايبج الشمس..  
ومن خلف الكنبان الرملية البعيدة.. لا يبدو شيء.. سوى  
سواء باهتة مصفرة.. لا أثر لآدمي.. أو حيوان.. أو شجرة.

كان كل شيء يبدو ممكنًا في هذا الخلاء الموحش. أن يمتنع  
المريض عن الأكل.. أو يأكل مخدرات.. أو يصلي..  
أو يعشق.. أو يفقد عقله.. أو يتحول إلى فيلسوف.

كان كل شيء يبدو ممكنًا.

وجلست على الدكة واجمًا. وقد وضعت ساقًا على ساق..  
وعلى بعد خطوات مني كان عمود التلغراف يزن كأن به  
عش نحل.. وكان صاحبنا المريض يتسلل من العنبر حاملا  
الجرادة من جناحيها.

وحينما عدت بعد ساعات إلى سريري كان هناك صوت  
ثالث.. غير صوتي وصوت الراديو.. صوت يخشخش في  
الركن.

واكتشفت أن المريض الجديد الذي دخل محمولاً على

محفة منذ قليل.. يتنفس.. وأنه يحدث هذه الخشخشة برثيته  
الهاكتين كزوج من الغرابيل.

ولم أكن أعلم عنه شيئاً سوى اسمه. فاقتربت على  
أطراف قدمي وملت عليه هامساً:

- جرجاوى.. مالك.. عاوز حاجة.

فلم يلتفت.. ولم يتحرك من مكانه وإنما حرك عينيه في  
محجريها.. ونظر إلى برهة.. ونطق كلمة واحدة:

- أشرب.

وكانت نظرتة اليائسة تدل على أنه رجل تعود أن ترفض  
كل طلباته.

وذهبت إلى النافذة وعدت بكوب في يدي ملآن لآخره  
بالماء.. وأسندته على ذراعى وسقيته.. وحينما أراح رأسه على  
الوسادة مرة أخرى كان يتصبب عرقاً.. وكانت الوسادة  
مبللة في رقعة واسعة بحجم رأسه.

وتشجع قليلاً.. وحرك عينيه في محجريها حتى واجهاني  
بنظرة ثابتة يبدو فيها طلب آخر.

- عايز حاجة كمان يا جرجاوى.

وظل ينظر في وجهي ثم قال:

- عايز شوية هوا..

فنقلت سريريه حتى أصبح تحت النافذة.  
وكانت هذه الكلمات القليلة كافية لتوثيق التعارف بيننا  
فابتسم، وبانت في فمه الواسع أسنان مكسوة بطرايش من  
المعدن:

- أنا من جرجا.

- ولاد عم والله.. وأنا من المتيا.

وأخذنا نتبادل التحيات والمراحم مدة.. تم عادت  
الحشخشة.. وقال وهو يشير إلى صدره:

- أصل أنا واخذ شوية برد..

- معلش كلنا على دى الحال..

- الحكيم قال دول شوية برد.. تمام لهم جمعه ويروحوا.  
حاكم أنا عمري ما رقدت، ولا شفت العيا.

وابتسم ابتسامة باهتة وأردف:

- أنا زمان ونا صغير جيت من جرجا لمصر ماشي.

وسكت لحظة ثم أخرج إصبعه من النافذة مشيراً إلى  
الهواء:

- شايف مصر دى كلها.. أنا اللي بيتتها بدراعى.. كل

عمارة رصبت فيها طوبة.. وملت شكارة جيس ودكيت حنة  
أرض.. وسويت جدار.

ولوح بذراعه الحسنة في الهواء:

- الصعايدة يا عم هم اللي بنوا ده كله.

وكان يبدو أنه سعيد لأنه بنا ده كله.

وتصيب العرق على جبينه! وفتح فمه ليتكلم.. ولكنه  
سكت ولم يقل شيئاً.

- عاوز حاجه يا جرجاوى.

ولم يجيب.. وظل يبحث عن الشيء الذى يريد.. ثم  
تحركت عيناه في محجريها.. ونظر إلى قانلا في بساطة:

- عاوز أشرب.

وتاولته القلعة.

وظل يكرع.. والماء يطفح على جلده في سيول من  
العرق كأنه إناء متقوب.

ثم أراح ظهره على الوسادة.

وجدب نفساً طويلاً لم يسعف رثبه الجائعتين للهواء  
فمضى يلهث.. وأشار إلى النافذة محاولاً أن ينطق من خلال  
اللهاث.

- عاوز.. عا.. وز.

- أيوه يا جرجاوى يا خويا.

- عا.. وز.. شوية.. هوا..

وكان سريره بجوار النافذة.. وكانت الستائر مفتوحة،  
وكان الهواء يروح في الغرفة.. ولم يكن هناك سبيل إلى  
فتح نافذة أخرى في الجدار.  
- عا.. وز.. شوية.. هوا..

وظل يتهته.

تم بدأ وجهه يزرق.

وخرجت من قمه شهقة طويلة مسموعة غاب بعدها عن  
الحياة.

ونظرت إلى عينيه.. اللتين كانتا تستجدان من لحظة..  
فلم أجد فيها شيئاً.

مات الجرجاوى الذى بنى مصر.. كانت أبعد آماله أن  
يسرب.. ويتنفس.

وجذبت على جسده الملاءة.. ووقفت صامتاً تم انحنيت،  
وقبلت جبينه.

وتجمدت فى مكانى إلى جوار النافذة.. ومضى وقت  
لا أدرى كم دقيقة.. ولا كم ساعة.

ودخل لطفى.. وحلق فى الغرفة.. وفى وجهى.. وفى  
السريـر المغطى بالملاءة.. ولم يلحظ شيئاً لأنه قال بنغمة  
طروب:

- وله يا عوف.. أنا حاتجوز.

وجلس على السرير إلى جوار الميت وأردف كالطفل:

- أنا حاتجوز.. سامع.. مش تقولى مبروك يا أخى.. ولم

أجب وظللت أحلق فى وجهه.

وعاد يتكلم فى عصبية:

- أنا حاتجوز ترجس بكرة.. أنا عارف إنك مش

موافق.. لكن هى بتحبنى.. وأنا بحبها.

وظللت صامتاً.. وصرخ لطفى:

- جاوبنى.. انطق.. قول إنك حمار زى ما بتقول كل

مرة.

وظللت صامتاً.. وسكت لطفى كأنه تلقى لكمة.. ثم

خرج مغضباً.

ومضيت أحلق فى الرقعة الصغيرة من الفراش حيث

كان يجلس رجل يرقص من الانفعال.. إلى جوار جثة

ملفوفة فى ملاءة من الدمور.

ومضى اليوم الخامس على إرسال الإشارة التلغرافية إلى شيخ الحارة في جرجا حيث يسكن الجرجاوى.. ولم يصل أحد لإستلام الجثة.. واعتبرت إدارة المستشفى أن الجثة بدون أهل وأوصت بدفنها في مदान الصدقة.

وجلست أنتظر عربة الموتى وإلى جوارى زائر من شبين لاستلام أحد أقاربه.. وكان يحمل في يده صرة بها عنب.. يقزقز منها حبة بحبة.. ويحكى لى قصة خاله:

- بالك خالى ده.. ما كانش حد قده فى البلد.. ماكانش حد يملأ عينه أبدا.. كان راجل طول بعرض قد الحيطه.. يقول للأسد قوم وأنا أقعد مطرحك.. مين كان يصدق إنه يموت بصدرة!

وسكت وهو يلوك حبة من العنب فى فمه ويفكر:

- بالك فيه حاجة بتفضل فى الدنيا دى؟.. أبدا كله بيروح عاطل مع باطل.. هو خالى ده ياما زرع.. وياما جمع وياما اشترى طين.. وياما حوش فلوس.. والآخر إيه فضل له من ده كله.. مفيش غير الركعتين اللى صلاحهم.. والورثة خدوا الباقي.. أنا يا عبد العال حايونبنى فدانين من عرق

جيبته.. وآدى حال الدنيا.. والله يرحمك يا خالى.. لك عندنا  
لربة مبنية بالحجر ولها حوش ومندره.. بنيتها بايدك.. واحنا  
برضه اللى حانقعد فيها.. ونربع فى مندرتها.

وشعر بالراحة بعد أن فلسف الدنيا بأنها لا شىء  
وخص نفسه بفدائين من عرق جبين الميت.. وانشغل  
بالعنب من جديد.

وأقبلت العربة ومعها اثنان من الحانوتية وحملت الجثتين  
وركبنا خلف السائق.

وكان الرمل يسفع وجوهنا طول الطريق.. والحانوتية  
الاثنان يدخنان فى مزاج واستغراق.. وصاحبى يأكل العنب  
ويتحدث عن خاله.. وأنا أعتمد رأسى بين كفى.

وسكت صاحبى فى منتصف الطريق وبدأ ينام.. وسمعت  
الحانوتى السمين يقول لزميله:

- تعرف الميت اللى دفناه امبارح.. مش لقيت فى بقه  
ثلاث سنان ذهب.

- وعملت فيهم إيه؟

- ما أخبش عليك.. خلعتهم.. قلت حرام أسببه يقابل  
ربنا كده وفلوسه فى بقه.. لبروح جهنم.. وتبقى فى وشى.

- خيرك على الحى وعلى الميت يا صالح يا خويا.

وضحكاً. وتصاعد للتيغ الذى يدخنانه رائحة غريبة.  
وبداً الطريق يتلوى والعربة تترنح.. والحانوتيان ينامان  
على بعضهما بعضاً من السطل.

وفى نهاية المشوار.. عند مدافن الصدقة كان عم صالح  
الحانوتى عند باب العربة ينظر فى الجشتين.. ثم يحمل  
إحدهما إلى حفرة عليها لوح من الحجر.. وجذع صبارة  
ذابلة.

وجلس على مفهى فى طريق العودة أشرب كؤياً من  
الساى.. وعلى قمى ابتسامة واسعة.

لقد أخطأ الحانوتى المسطول وحمل جثة الخال إلى مدافن  
الفقراء.. وترك الجرجاوى لتذهب به الصدقة إلى شبين  
حيث يدفن فى قبر جديد له حوش ومندرة.

لقد وجد الجرجاوى أخيراً من يزوره حينما أصبح  
تراياً.. بعض العزاء يا جرجاوى يا غلبان.. لم تجد شربة  
الماء فى حياتك.. وسيأكل زوارك الكعك على روحك.. كل  
يوم جمعة.

واتسعت الابتسامة فى قمى.. ثم تحولت إلى ضحكة  
عسة.

كنت أشاهد لطفى من النافذة.  
كان يذرع الصحراء أمامي ويتبش الرمل بقدميه وهو  
زانغ البصر لا يستقر لحظة واحدة في مكان.  
وكنت أفكر في أحواله.  
لقد تزوج من نرجس.. ومضى على زواجه شهران  
تعيسان وهو شارد مثل فراش قصوا له جناحيه.

لم يكن سعيداً في حبه.. ولا في زواجه.  
كان يبكي.. وكان يضحك.. وكان يهذى.. وكان يقول:  
أحبها.. أعبدها.

ومع ذلك.. كنت أشك على الدوام في أن ما به هو الحب.  
ونظرت إلى الرمال.. بعيداً.. حيث يقف.. وتلاقت  
نظراتنا.. وأقبل ناحيتي في مشية بطيئة ذاهلة.. حتى بلغ باب  
الغرفة.. وتوقف ينفض زمام سيجارته..

وكان شارباً يتراقصان في عصبية.  
وتركته يجلس على الفراش وليبت صامتاً.. أراقبه وهو  
يدخن.. وينفخ.. ويهز ساقيه.

- ومرت دقائق ثقيلة.. ثم قال فجأة:
- أنا تعبان يا عوف.. تعبان.. مش عارف إيه أخرة ده كله..
- لازم نمت امبارح من غير غطا.. معلهش.. اشرب كباية حلبة ونام.. وانت تصبح كويس.
- بلاش هزار.. إنت عارف إني باتكلم جد دلوقت..
- وأنا كمان بتكلم جد..
- إنت مش بتحترم ألامى.
- آلامك إيه يا طوفه يا حبيبي.. ده انت أسعد إنسان فى الدنيا.. حبيت لدرجة الجنون.. واتجوزت اللى حبيتها.. وبعد كل السعادة دى واقف على عش حبك تندب زى الغراب.. وتقول تعبان.. إلحقنى.. مش عارف أنا رايح فين.. مش عارف إيه أخرة ده كله..
- أعمل لك إيه طيب.. أجوزك واحدة ما بتحبهاش..  
والا أعمل لك إيه..
- مش عارف..
- تبقى تشرب حلبة.. كل الناس إالى ما بيعرفوش حاجة.. يبشربوا حلبة.
- إيه.. هو.. ده.

وبدا عليه اليأس.. وسكت لحظة.. ثم أردف في حزن:

- نرجس مش بتحبني يا عوف.. وده هو اللي معذبني.

- إزاي بقة.

- نرجس لها ماضي طويل.. ولها علاقات كثيرة.. وأنا

مش أول واحد في حياتها.. ومش معقول حاكون آخر واحد.

نرجس كدبت عليّ.

- إنت اللي كدبت عليها يا لطفى.. إنت اللي قلت لها

باحبك.. وانت مش بتحبها.. وعمرك ما كنت بتحبها. إنت

حببت واحدة تانية في دماغك.. واحدة زى الملاك مالمسهاش

راجل.. أبوها نبي.. وأمها مريم.. إنت ظلمتها. إنت أناني.

- أناني ازاي.

- أناني في عواطفك.. بتفصل الناس على المقاسات اللي

تعجبك.. وتحبهم.. بتنسى دائماً إنك مريض، وإن الناس

بتحبك بعيوبك.

- أنا مش كده.. أنا مش كده أبداً.

- إنت عاوز تغسل نرجس من ماضيها قبل ما تحط

إيدك في إيدها.

- أنا مش كده.. أنا عمري ما ظلمت حد.. أنا عشت

طول حياتي في حرمان.

- المحرومين هم أقسى ناس في الدنيا.

- إنت تفكيرك غلط.

- بالضبط.. لأنه مش من المقاس المناسب.. لأنه مش متفضل حسب طلبك.

- إنت دائماً تصدمنى.. إنت نفسك قلت لى على نرجس كداية.

- انتو الاتنين كدايين.. لكن هى أشرف منك.. لأنها بتكذب على الناس بس.. إنما انت بتكذب على نفسك كمان.

- إنت مش طبيعى النهارده يا عوف.. أنا عمرى ما سمعتك بتتكلم بالشكل ده.. مش معقول أكون إنسان وحش بالدرجة دى.

- إنت مش وحش.. إنت صغير.. إنت بقالك ست أشهر عايش معانا تاكل وتنام.. لكن عمرك ما كنت معانا.. كنا بنفرح كلنا.. وانت قاعد تعيط على حبيك.. وكنا بصوت.. والنقالة تشيل متنا ثلاثة.. وانت قاعد تفرحان بالحضن اللى خدته بالليل.. كنت لوحدك دائماً.. والملاحظات القليلة اللى فقت فيها للناس اللى حواليك.. كانت حدمات بالنسبة للده.. كانت حاجات جديدة.

- أنا مش فاهم حاجة.

- ومش حانفهم حاجة.. لأنك بتتكلم لغة نائية غير  
أفسان.. بتتكلم إنجليزى.

- إيه ده.

- إنت عايش فى نفسك.. إنت مش بتحب.. إنت بتمر  
بحالات عصبية.

- إنت لازم شارب حاجة.. مش معقول تقول الكلام ده  
وانت فى عقلك.

- أنا مش شارب حاجة يا طوقه يا خويا. إنت اللي  
سكران.

- مش معقول.. إنت عارف قبل كل الناس إني بحبها..  
وعارف قد إيه بحبها.

- هى مين؟.. إنت بتحب تصوراتك.. وبتكره  
تصوراتك.. وبتعشق خيالك وتخاف من خيالك.. إنت بتعيش  
أربعة وعشرين ساعة كل يوم مع نفسك.. إنت بترسم مش  
بتحب.. واللوحة مش عاجباك.. وعاوز تقطعها.. ودى  
الحكاية كلها..

- إيه ده.. أنت بتخرف.

- جايز.

- إنت ضابقتنى جدًا.. جدًا.. بكلامك.

- اشرب حلبة.. كل الناس الى بيضايقوا من كلامى  
بيشربوا حلبة.

وكان الغيظ قد بلغ به غايته.. فسكت وهو يجز على  
أسنانه وجذب أنفاساً طويلة من سيجارته.. ثم قام فجأة..  
وخرج.

وبقيت وحدى أفكر، وسرحت.. وأغمضت عيني. ومرت  
دقائق أفقت بعدها على صوت التمورجى وهى يمسخ  
الكومودينو ويناولنى صرة.. تذكرتها على الفور. فقد كانت  
صرة المرحوم الجرجاوى.. وكان بها رغيف جاف وبصلة..  
وهى كل التركة التى خلفها.

وجلست فى فراشى واحتضنتها ولم ألحظ الساعات التى  
مرت بى وأنا فى جلستى لا أكاد أتحرك.. ولم ألحظ نرجس  
التى دخلت الغرفة وأضاءت المصباح.. لم ألحظها حتى  
اقتربت منى وهزتنى من ذراعى.

- مالك يا عوف.

ونظرت إليها كأنى أراها لأول مرة.. وأجبت فى خفوت:

- مفيش.

- مالك.. تعبان؟

- لا مفيش حاجة.. بس نعست شوية.

وكان معها مفرش تشتغل فيه بالإبرة.

ووقفت إلى جوارى تشتغل.. وظللت أنظر إلى وجهها  
كانت جميلة.. مضيئة.. وكانت عيناها حزينتين.  
وقلت لها برقة:

- سرحانة ليه يانرجسة.. فيه حاجة مزعلاكي.
- الدنيا كلها مزعلاني.
- دوسى على الدنيا يا عروسة.
- الدنيا داست علىّ يا عوف.. وداست على كل  
الحاجات الحلوة اللي كنت بحبها.
- إيه الكلام ده.
- انت نفسك قلت لى مرة إنك عجوزة ووحشة.
- كنت باضحك زى عاداني.. وانتي عارفه.
- لا.. لا.. كنت بتتكلم جد.. وكان كلامك صحيح.. أنا  
فعلا عجوزة ووحشة.. لكن مش ذنبي يا عوف.
- أنا اتقتلت ألف مرة.. ما بقاش فى روح.. بقيت جسد  
وجسد متعذب.
- إنت ماشفتيش من عشر سنين.. وأنا طفلة بحب الناس  
وأصدقهم.. كنت حاجة تانية.
- وإيه اللي غيرك.
- معرفش.

وسكنت على مفض ثم أشارت بإصبعها إلى المصححة  
وقالت:

- بص حوالبك.. فيه حد يعيش في الدنيا دي ولا  
يتغيرش مرضى كلهم ييموتوا.. كلهم في حمى.. أطفال..  
وشبان وعجائز وأنا وحيدة بينهم.. حلوة وصغيرة.. وكل  
واحد يقوللى خليكى جنبى شوية.. عاوز أحكيلك.. ويحكلى  
حياته وعذابه.. بعدين يقول لى بحبك.. بحبك يا نرجس..  
عشر سنين وأنا عايشة في حب.

ونظرت في وجهى وقالت متسائلة:

- أنا معرفش المرض بيعمل فيكو إيه.. يبهرق  
أعصابكم.. بتحسوا إن عمركم قصير.. بتبقوا نوع تانى  
غير باقى الرجالة.. تبقوا سخنين.. هه؟

وابتسمت وضربتني على صدرى .

- بتبقوا حبيبه.

وسكنت مدة طويلة.

- وبعدين.

فأجابت وهى شاردة:

- كان كل واحد يحبني لغاية ما يخف وبعدين ينساني.

كنت زى البروفة الى تتلبس جوه الدكان بس.. كنتو

أشطر منى دائماً.. وكنتوا تقعدوا مع بعض.. وتعلموا بعض..

وتقولوا نرجس الشقية.. كنتو تقولوا كده عشان تنسوني..  
وبعدين بقيت شقية بصحيح.. وبقيت أكذب زيكو.. بقيت  
وحشة.

وسكتت.. ونظرت في وجهي بعينين جامدتين. ثم التقت  
مفرشها وعادت تعمل من جديد.. وأغرقت في الصمت.  
ومرت دقائق طويلة.. ثم سألتها في حرج:  
- قوليلي يا نرجسة.. انتي بتحبى لطفى.

فأجابتنى فجأة وبعصية:

- أنا عارفه إنه عاوز يطلقنى.. وأنا عاوزاه يطلقنى.. أنا  
مش بحيه.. وهو مش بيحبني.. هو واحد منهم.. واحد من  
اللى كانوا عيانيين وخفوا.. البروفة ما عادتش تنفعه.. هو  
عاوز بدلة جديدة.

وغلبيها الألم. فبكت في حرقه. ثم غالبت دموعها  
ومسحت وجهها وعادت إلى المفرش. وهى تغغم بصوت  
مخنتق:

- أنا بكذب، وأنا باكره الكذب.. أنا طبعتي مش كده..

أنا مش وحشه.

ورفعت إلى وجهها صافياً كوجه الطفلة.. وكانت عيناها  
تألقان كسماء غسلها المطر.

- أنا مش وحشة يا عوف.

- أنا عارف.

- الدنيا اللي عشتها، هي اللي كانت وحشة أوى.

واطمانت إلى ثقتي فهدأت وعادت إليها الابتسامة،  
وقالت وهي تسيح بذراعها كأنها تبعد حلاً مزعجاً:

- بكره آخر يوم على كل حال.. بكره المرور والعنبر  
حايفضى والعينانين القدام اللي خفوا حايطلعوا ويبجى  
عيانين جداد غيرهم.. بكره تنتهى القصة وتطلعوا كلكم من  
حياتى وأنا ساكم.. وتنسوفى.. ويبقى مفيش لطفى وعوف وعم  
زكى وشيخ حامد.. كلكم حاتبقوا ذكريات.. اتناشر ساعة  
وابتدى أعيش من جديد فى قصة تانية.. بكره أقولك سعيدة  
يا عوف.. مع السلامة افنكرنى بالطيب.

ونظرت إلى نظرة رقيقة وبدا وجهها سمحاً.. ساذجاً..  
وتصافحت قلوبنا.. وتصافينا.. وغمرتنا لحظة سعيدة. ثم عاد  
وجهها فكسته غشاوة معتمة وانسدل عليه النقاب القديم.  
وقلت وأنا أربت على يدها:

- سيبك من الأفكار السوده دى.. الدنيا لسه حلوه..

وانتى لسه حلوة وصغيرة.. وكل الناس بيحبوكى.

فنظرت إلى وهى شاردة ثم عادت إلى شغلها.. وأخرجت  
بلوفرًا صغيراً من الصوف.. وأخذت تعمل فى آليته.. وانزلق  
أحد أزرار مريبتها فانكشف قميصها الداخلى.. ولاحظت

أنه قديم متأكل في عدة أماكن.

وكانت مشغولة بالتريكو.. تحرك الإبر في هدوء وتلذذ.  
ثم رفعت يدها عن الشغل فجأة وقالت في زهو:

- حلو البلوفر ده؟ أنا عملته في يومين.

- لمين.. ده صغير أوى.

- لأخويا محمد.

وابتسمت وهي تمسك البلوفر من كفه وتحتضنه. وانفراج  
النقاب الحزين عن وجهها مرة أخرى كما تنفراج ستارة  
قائمة. وتبدت خلفه ملامحها الوديمة.

واتسعت ابتسامتها شيئاً فشيئاً وهي تتخيل أباها  
الصغير يدخل في البلوفر.

- أخويا محمد سنه تسع سنين بس. عاوزه أطلعه  
دكتور.. حاعلمه في العالى وأدخله الطب.

وعاوزه إيه كمان يا نرجسة؟

- عاوزاه يبقى مدير كبير في الصحة.

- وإيه كمان.

- ويبقى له بيت في الزمالك.

- وعاوزه إيه لنفسك.. لك انت.

-- أنا؟

وسكنت.. ثم أجابت ببطء وبنبرات أخرى خافتة:

- مش عاوزه حاجة.

- أبوكى عايش يا نرجس.

- أبويا وأمى ماتوا.. أنا راجل العيلة.

- أنت راجل قمور أوى.

ونظرت فى عينها أبحث عن الشيطانة العابثة.. سايبية القلوب.. فلم أجد سوى رجل كبير طيب.

ومضت الاثنتا عشرة ساعة بسرعة لم أكن أتوقعها.

ووجدت نفسى أجلس فى عربة واسعة بقطار المصحة

المسافر إلى القاهرة.. وحولى مرضى عنبر سبعة كلهم.. عم

زكى جالس على أرض العربة يلعلع بموال بلدى.. وأنا أنظر

من نافذة القطار إلى عنابر المصحة المتناثرة فى الصحراء

كخيام عربان رحل.

وكل شىء يبدو لى كالحلم.. فأفرك عينى بين حين

وآخر.. وأعيد النظر حولى.

هل كنا جميعاً ننام بين الحياة والموت فى هذه الصحراء

العارية.

هل هذا عم زكى اللومانجى الذى كان يشرب

السبرتاية كل ليلة.. ويسعل حتى تتمزق رئتاه وتنزف

خراطيم دم.

هل هو عم زكى الذى يعنى الآن.. وكفه على صدغه.  
كان الغد يحمل لنا فى طياته هدايا جميلة، دون أن ندرى.  
لقد شفيننا جميعاً. وحصل اللومانجى على إفراج. وتغلب  
على داء المورفين.. وزاد بضعة أرطال.. وامتلات الحفر  
الغائرة فى خديه.. وجرى الدم فى عروقه.. وانطلق يعنى.  
وأكل الشيخ حامد علقه جعلته يكف عن ترديد  
الأكاذيب. ويخفى السبحة فى عبه.  
ومر لطفى بتجربة لن ينساها.

وجلست أنا فى فراشى أجمع خبرات الناس. وأذاكرها فى  
رأسى كالتلميذ النجيب.

وارتفع صوت عم زكى يلعلع بالغناء. وكانت الشمس  
تنصب من النوافذ دافئة تبعث الخدر فى الأوصال.  
وأحسست بأن الدنيا جميلة.. جميلة جداً..

وكان الشيخ حامد يلقي مصاصة القصب تحت قدمى  
ويجذبني من سروالى قائلاً:

- عارف يا ضلالى ربنا شفاك ليه؟..

- ليه..

- عشان يمد فى أجلك.. لجل تشيل ذنوب كمان وكمان..

ويبقالك في جهنم قصر على.. حاكم ربنا دائماً بيد في عمر  
الأبالسة.

- يا سيدى كتر خيرك.. ده بركة دعاك.. والأبالسة  
لبعضهم..

- وحدوه.. وحدوه.. وحدوا اللي فلق البحر..

- فلقتنى يا شيخ.. كل وانت ساكت.. مش كفاية إنك  
واخذ عود القصب سرقه.. وكمان حتنى علينا وتعمل ولى.

- سرقه.. حد الله يا شيخ.. حد الله بينى وبين الحرام..  
وقعل الحرام.. وأهل الحرام.. وذكر الـ..

- بس.. بس..

وحشوت فمه بمصاصة القصب..

- بس ما تزعلش نفسك.. قفاك استوى من الضرب..

وصغر القطار.. وظهرت ترجس على باب العنبر تلوح  
بمبديل كبير أحمر.. وازدحمت نوافذ العربية بالمرضى يردون  
لها التحية.. وظل لطفى يدخن في الركن.. وفتحت عليه  
سجائرى وقدمت له سيجارة..

- تشرب..

- لا.. أشكرك..

- غير سجائرك مرة عشان خاطرى.. الواحد لازم

... حاجة في حياته عشان يبقى لها طعم..  
... لحظة تم مد يده وأخذ سيجارة، فقلت أباركه؛  
... أنا متفائل.. بكرة حانغير حيانك كلها.. وبعد  
... غير تفكيرك.. والسنة الجاية تبقى واحد تانى.. غير  
... الغلابان الحيران.

... لم تحب وظل ينظر من خلال النافذة برهة ثم قال؛  
- ترجس عملت إيه اميارح..  
- ولا حاجة..  
- أنا ماقدرتش أستمر في الكذب يا عوف.. كان لازم  
... اطلقتها..

- عملت طيب.. رجحتها.. ورجحت نفسك..  
- أنا مش عارف حانقول على إيه.. أنا عارف إن رأيك  
... كان دائماً وحش..  
- أبدأ.. انت اتعلمت يا لطفى.. وكلنا بنتعلم.. مفيش  
... واحد في الدنيا وحش وواحد كويس.. إنما فيه واحد  
... يعرف.. وواحد ما يعرفش..  
- أيوه صحيح..

وتحرك القطار وبدأت المصحة تبتعد حتى أصبحت نقطة

صغيرة سوداء.. ولاحت الأراضي المنزرعة الخضراء عند الأفق.

وظللنا صامتين حتى دخل القطار محطة القاهرة.. ونزل المرضى لتستقبلهم أحضان أهلهم على الرصيف.. وبقيت وحدي.. أتلفت حولى في الجهات الأربع.. وتذكرت فجأة أن أهلى ماتوا.. وإنى وحيد..

وذهبت إلى غرفتى التى غطاها الغبار.. وفى يدي سلة تفاح أهدتها إلى نرجس.. وجلست أنظر إلى حدود التفاح الأحمر وأفكر فى أشياء كثيرة..

تذكرت سنة ونصف قضيتها فى الصحراء.. وتذكرت الدين ماتوا.. والذين عاشوا.. وتوقفت طويلا أمام صورة نرجس.. كانت تبدو كتفاحة ناضجة.. فى داخلها اللب.. وفى داخلها البذر.. حلوة.. ومررة..

كانت من المادة التى صنع منها البشر كلهم وأحسست بها قربة منى فى وحدتى.. قربة جدا.. وكان إحساسى حقيقيا.. خاليا من الزيف..

«وجدت نفسي أغمس القلم في المداد لأكتب لها هذا  
المطاب.

يريقى نرجس..

لن أقول لك إنى أحبك.. ولكن سأقول إنى أفكر مثلك  
في مستقبل أخيك الصغير محمد.. وأرغب كما ترغيبين فى أن  
تكون دكتوراً كبيراً.. وأن يكون مديراً فى الصحة...  
صاحب بيت جميل فى الزمالك.. وأريد أن أحقق لك هذه  
الأحلام..

وأقول أيضاً إنى مثلك.. أحلم.. وأرغب فى حياة جميلة  
ناقعة.. ولا أحقق من هذه الأحلام فى النهاية إلا.. بلوفر  
صغير..

إننا نتشابه فى آخر الطريق.. كلنا..  
لا توجد فروق تكفى ليحكم الواحد منا على الآخر..  
وليصبح بعضنا قضاة.. وبعضنا متهمين..  
كلنا سواء..

إنى سعيد بالأيام التى قضيتها مريضاً.. وسعيد بالأيام  
التي عرفتك فيها.. ولن أنساها أبداً..  
أشكرك على التفاح..

إنه حلوا تنهى مثل خدودك.. وسوف يبقى طعمه في فمي  
طويلاً.. هو وذكرياتك الحلوة..

المخلص

عوف

وألقيت الخطاب في الصندوق.. وفي الطريق.. بدأت  
أتذكره من جديد في خيالي.. سطرًا.. سطرًا.. وكلمة..  
كلمة..

هل أحببت نرجس؟

ربما.. من يدري..

وضحككت.. هذه المرة.. على نفسي.. على الشاطر  
عوف.. صاحب النصائح التي لا تخيب.. في دنيا الغرام.

## القطار

القطار يسير.. وصفحة الزيت المثقوبة تهتز، وجوالات  
الدقيق تتمايل.. وعلى الأرض فلاح يحتضن أوزة ولبشة  
تصب.. وأطفال ينامون.. وتل بشرى مرصوص.. وأنا  
أتساغل بصحيفة في يدي.. وأمامي مقال طويل عن بطل  
أمريكي بدأ حياته وفي جيبه ريال.. اشترى به مبيدًا  
للصراصير وطاف على ربات البيوت يدعو إلى طريقة  
الاستعمال لمقاومة الحشرات، وجمع مئات الريالات، فتح بها  
دكانا ثم تطور الدكان إلى مصنع والمصنع إلى شركة،  
والشركة إلى مؤسسة تدر الملايين.. ثم مشروع تجارى له  
فروع في القارات الخمس.. وأصبح داني هو كى الفقير..

ملك الحشرات في أمريكا وصاحب مئات الملايين من  
الدولارات.. وتنازل أخيراً عن نصف ثروته لجمعية رعاية  
الكلاب في بوسطن.. ومات مبكراً على شابه الغض  
وعبقريته الفذة..

وكل هذا من ريال وعلبة من سم الصراصير.  
وتهتز صفيحة الزيت إلى جوارى.. لتعود بي من الآمال  
العريضة التي دفعني إليها المرحوم داني هوكي وتلقى بي  
أرضاً.. بين الفلاحين الذين يمصون القصب ويتجشئون..  
وأ تذكر نفسي..

لقد بدأت حياتي وفي جيبى ألف جنيه..  
كنت أغنى من دانيهوكي أكثر من ألف ضعف..  
وفتحت متجراً للزيت وكافحت في عزم وصدق وأمانة..  
ولكن الزيت أصر على أن يزنج في مخازنه..  
ودخلت معاصر البخار الحديثة من بلاد داني هوكي إلى  
قريتي الصغيرة فطردتني أنا ومعصرتي التي تديرها بقرة إلى  
عرض الطريق..

وانتهت قصة الألف جنيه إلى ريال..  
كيف تحول الريال في يد داني هوكي إلى مئات الملايين  
من الدولارات، وتحولت الألف جنيه في يدي إلى ريال..

أُمى الأقدار.. والصدق.. واللواتية.. التى تحكم مصائر  
البشر؟

وما للأقدار ومالى؟!

إنى رجل قبضى سليم النية.. على ذراعى ثلاثة صلبان  
وعلى صدرى وشم العذراء مريم.. ولم يشرق على صبح لم  
أصل فيه وأسبح باسم الأب والابن والروح القدس..  
لم أسرق ولم أكذب ولم أزن ولم أخن جارى..  
وحينها كانت أُمى تموت والقسيس يهدئ من روعها قائلاً:

اذكرى يا أماه آلام المسيح على الصليب..

كنت أبكى..

ولكنى الآن وأنا أتذكر حياتى وحياة الناس وأضع  
الحقائق إلى جوار بعضها البعض.. أجد أن آلام المسيح  
كانت شيئاً هيناً.. فلم يكن للمسيح أبناء.. وكان يموت من  
أجل هدف نبيل تهون من أجله آلام أربع وعشرين ساعة  
على الصليب..

أما أُمى.. فقد عاشت على الصليب ستين عاماً.. وماتت  
بدون هدف يبرر عذابها.. وخلفت طفلاً كبيراً بذراع معروقة  
يعصر الزيت من تراب الأرض..

هيه.. يا أماه..

إن القطار يسير.. وفي هذا الكفاية..  
القطار يسير.. ولا شيء يظل في مكانه أبداً..  
أنا والناس والشمس والنجوم وموج البحر ودود  
الأرض.. كلنا نتحرك..

وامتدت من النافذة ذراع تحمل قفة بها ذرة.. وأدخل  
فلاح رأسه في العربة.. ثم زحف بجسمه وسقط على  
الكرسى.. ومن خلفه ثلاث عيال.. وهو يصيح فيهم.. أوعو  
البيض..

وكان القطار قد وقف.. وباعة السميط يسدون النوافذ..  
واللحم البشري يتكدس.. والصراخ يمتزج بالعويل بالصفير  
بالأحضان بالقبل.. وعجوز على المحطة يلوح بيديه:  
- يا عوضين.. ماتنساس تقرأ الفاتحة لأم هاشم..  
الفاتحة بأمانة يا وله..

والقطار يتحرك.. وصوت البلق يطرق على الرصيف..  
وصفير البخار يصك الآذان.. والفاتحة أمانة يا وله.. وشيح  
العجوز يتضاءل حتى يصبح علامة سوداء على الأرض..  
والفيضان تملأ الناحيتين كبساط من سندس تنزلق عليه  
العربات.. وعويل السواقى.. ونقيق الضفادع.. وخوار  
البهائم.. والبيوت الطين.. وأعمدة البرق.. والدنيا التي  
تشبه شريطاً يتحرك.. وأنا في مقعدى أنظر في كلمة..

مشوهى الحرب.. المنقوشة على جدار العربة بالطلاء  
الأسود، وأتحيل قصة هذه العربة منذ سنوات حينما كانت  
تنقل الجرحى. والقنابل تنفجر حولها أيام العلمين..  
وربما على نفس الكرسي الذى أجلس عليه.. كان هناك  
جندى ينزف ويموت.. والكرسي أمامه.. ونظرت أمامى.  
كانت هناك امرأة ريفية طويلة عريضة الصدر فى جلباب  
أسود وطرحة.. كان وجهها جامداً أجعد، وعيناها  
لا تطرفان.. وقمها مزموماً، وخداها غائرين..

كانت صلبة كالجدار الذى تشقق فى أكثر من مكان  
ولكنه ظل شامخاً.. وكان ذراعها الناحل كقطعة الخشب  
يرفع صفيحة الجبن الثقيلة إلى رف العربة فى خفة كأنها  
ذبابة.. وعلى حجرها ينام طفل يمضغ قشرة برتقالة، وإلى  
جوارها تقف بنتها فى فستان أحمر تحمل كتاباً..

- أبويا جاى إمتى.. أم.. أبويا جاى إمتى؟
- أبوكى فى البندر يا بت.. إيه اللى حايجيبه دلوقت..
- كل ما أقولك تقولىلى أبويا فى البندر.. هو حايقعد فى  
البندر طول عمره..

- وعاوزه من أبوكى إيه؟..
- عاوزه أوريله الفستان الأحمر، وكتاب المدرسة..

وابتسمت الصغيرة.. وفتحت كتابها.. وأخفت وجهها فيه  
وراحت ترسم على الصفحة بشعرها الطويل الذهب.. ثم  
أخذتها النشوة فراحت تقفز كالقطة.. وتهتف بأعلى صوتها..  
زرع.. حصد.. كتب..

ثم وضعت الكتاب أمام أمها وأخذت تشير بإصبعها  
الأبيض إلى الصفحة:

- سوفى السمكة.. والعصفورة.. والضفدوعة..

ورفعت عينيها الواسعتين فجأة وتشبثت بجلباب أمها  
الأسود هاتفة:

- أبوى جاى بكرة؟..

وتخلصت الأم من قبضتها ولم تجب..

وعادت الصغيرة تقفز.. وابتعدت.. وغابت فى الزحام..  
ولفت الأم وجهها بالسأل وغمغمت..

- أبوكى تحت التراب.. يا عيشة يا بنت الجرجاوى..  
راح له سنين..

وصفر القطار.. ثم بدأ يهدئ من سرعته وتوقف فى أحد  
المراكز..

ونفضت الأم واقفة.. على رأسها صفيحة الجبن وطفلها  
على ذراعها.. والطفلة الأخرى فى يدها.

وعلى الرصيف كانت عيشة ما زالت تقرأ.. بصوتها  
الرفيع كالجرس.. زرع.. كتب.. وأمامها صفحة الجين  
تتأرجح على عنق نحيل.. وأما تتقدم في خطوة ثابتة..  
وصفر القطار كأنه يقول معي..

كل شيء يهون كما تهون المسافات..  
الزمن يمسي على كل شيء.

وكانت الأم تبسّم وهي تسير إلى جوارنا كأنها تقول هي  
الأخرى:

- لم يمت أحد.. سوف يتعلم العيال..  
وعربة مشوهي الحرب بمن فيها.. تتقدم عبر الحقل..

## لا أحد

إلى جوار فراشي عشرات الزجاجات من أقراص اللومينال والفيرونال، وألوان من الأمزجة والنقط.. بعضها يقوى الأعصاب، وبعضها يشد العضلات، وبعضها يساعد على النوم.. وبعضها يساعد على اليقظة..

وأنا راقد كالعربة المكسكة في جاراج، كل جزء منها في مكان.. كل شيء في وجودي مفكك حتى أحلامي.. حتى أفكاري.. وأنا أجمع أجزائي بعضها على بعض كلما أردت أن أصل إلى فرار صغير تافه.. مثل إضاءة المصباح.. أو إشعال سيجارة، أما البت في القرارات الكبيرة فقد

أصبح مستحيلاً.. على أن أجا للنصائح ومنشورات الصحف  
لأبت فيها..

أصبحت أشبه سفينة جميلة فلاعها مشرعة.. ولكن بدون  
ريح.. هناك جزء ما مكسور في آلة وجودي.. ربما كان سلكا  
رقبياً يوصل بين عقلي وقلبي.. ويحمل إلى نفسي الكهرياء  
والنور.. سلك رقيق انقطع بانقطاعه خط حياتي.

إن حياتي حينها تعود إلى الآن.. تعود مقطعة الأوصال  
كشريط من صور منفصلة..

صورة أبي وهو يعود من الدكان كل يوم فيقرع الباب  
بعصاه.. ويستقبل أمي بسيل من الشتائم.. ثم يفتش عني في  
البيت ويسحبني من أذني.. ويضربني علقه لأنني لا أستحم..  
فإذا كنت في الشارع ضربني علقه لأنني لست في الفراش.  
وفي الصباح يحملني من السرير ويضع رأسي تحت  
الحنفية.. ويضربني فلمين لأسرع في لبس ثيابي.. ثم يضربني  
تلاوتاً لأهرول إلى المدرسة.. ثم يتلطف على الباب ويعطيني  
ملياً لأصرفه..

وصورة أمي وهي تلقي عليّ تعليمات الصباح:

يا وله.. ما تنزلتي الحارة..

يا وله.. ما تلعبسي مع العيال الخسرانيين..

ما تبصس للجيران.. اقلل السباك..

ما تتكلمشى كثير.. اتأدب.. واقفل بقك..  
ما تبحلقشى فى البنات.. اختشى عيب..  
ما تجريش كثير..  
اقعد ساكت.. خليك حلو..  
ما تاكلش فى رمضان.. تخش جهنم.. حرام..  
عيب.. غلط.. حرام.. مش أصول.. مش تمام. قلة أدب..  
قلة حيا..

سجن.. سجن غليظ..  
وفى المدرسة صورة لسجن آخر.. أشد قسوة وغلظة..  
المدرس يستلمنى بالضرب ويقول عنى إنى بليد.  
والمفتش يسخر منى ويقول عنى إنى حمار..  
والناظر يهددنى بالرفق ويقول عنى إنى غبى..  
والامتحانات تلهث خلفى..

وأنا حيران بين سجن البيت.. وسجن المدرسة.. لا أجد  
إلا الشارع أفر إليه كلما ضاقت أنفاسى.. فكأنى أرفع  
رأسى من تحت الماء بعد غطس طويل لأخذ شهيقاً عميقاً..

وأيام الصبا..  
وسن الثانية عشرة وهو يقبل بإرتجافاته وأحلامه..  
واللذة التى تفتح لى فى الفراش وأنا وحدى.. والغرفة

مغلقة.. ثم تستبد بي.. وتتحول إلى سجان آخر لا أقوى  
على الهرب منه..

وأسمع الأولاد يقولون.. إنها عادة رديئة تهدم الصحة..  
وأصغى إليهم في فضول ورعب.. وقد عزمت أن أقلع عنها..  
فإذا خلوت بنفسى تسللت يدي وهى ترتجف تحت الغطاء،  
وتشابكت أحاسيسي في مزيج من النشوة والقلق والخوف..  
وفي النهاية يتصبب على جسدى العرق البارد ويستولى على  
الندم.. وأتصور وجهى في الصباح وقد غدا أصفر مثل وجوه  
الموتى.

والبنات وأنا أنظر إليهن من خلال المعلومات القليلة  
التي عرفتھا من السينما والروايات وأحاديث الليل تحت  
الفانوس مع شلة العيال..

وصوت أم كلثوم وهى تغنى.. يا ما أمر الفراق.. وأنا  
واقف في البلكون وحولى قصارى الزرع.. وتعريشة  
الليلاب.. وصفير قطار الدلتا من بعيد.. وأنا أحلم بأنى  
ملك.. ملك كبير من ملوك زمان..

وسنوات الشباب الواحدة منها تجر الأخرى كقطار من  
التعاسة..

ويوم السبت الذى لا أنساه.. وسكرتير المدرسة يقول  
لى فى حزن:

- طلب مجانيتك رفض وسوف تطرد من المدرسة إذا لم  
تسدد المصروفات..

وأبى الميت في البيت..  
واليوم الأول في الشارع.. وقد تركت المدرسة خلفي  
وذهبت أبحث عن عمل..

وورشة السيارات التي أعمل بها عتالا.. أتجول بالعفريته  
الزرقاء بين الشحم والزيت وصراخ الأسطوانات.

ثم سلسلة من عشرات الأشغال أتنقل من الواحد إلى  
الآخر، ملاحظ وابور طحين.. كاتب أنفار.. خولى عزبة..  
كمسارى أتوبيس.. عامل في مسبك حديد.. أسطى في ورشة  
خشب.. والفقر وهو يجرى خلفي في كل شغلة..

ويوم الأحد من كل أسبوع وأنا أتعشى عند عمى  
العجوز.. وثرثرة آخر الليل.. والغرفة العارية الكالحة..  
وعمى وهو يجذب أنفاساً من الجوزة وقد تكوم على مرتبة  
قذرة.. ومضى يهذى بسيل من المواعظ والحكم:

- دنيا ما تسواش يا ابن أخويا.. كله محصل بعضه..  
الفقر محصل الغنى والصحة محصلة المرض.. والعالى محصل  
الواطى.. تندم على إيه.. على الفلوس؟.. الفلوس بيحبيها  
إبليس وياخذها إبليس.. وكله فاني.. اضربها صرمة تعيش  
مرتاح..

ولكنه لا يضربها صرمة.. بل يضرب نفسه صرمتين..  
ويشرب خمراً أردأ من الخل.. ويعب من الجوزة القاتلة حتى  
مطلع الصبح..

وسنوات الرجولة وهي تشرق على متأخرة بعد عمر  
طحنته الآلام.. والنقود القليلة التي ادخرتها من لقمتي.. وقد  
فتحت بها دكاناً للكتب القديمة.. والفراغ الطويل الممدود  
وأنا جالس في الدكان اقرأ الكتب التي أبيعها وأشتريها..  
وأغذى بوجبة من الحلاوة الطحينية كل يوم. وأقضى الليل  
في مقهى بيومي وأنا سرحان.. أفكر في أسئلة كثيرة عن  
حياتي وحياة الناس.. وماذا نريد كلنا من الدنيا.. ومن  
أكون أنا..

أنا.. طلبة عبد الحميد رضوان..

أنا لا يمكن أن أكون رجلاً واحداً هو عم طلبة.. صاحب  
مكتبة طلبة.. إن الكلمات الأربع في اسمي لا تعني شيئاً.

أنا عشرات من الناس يسكنون ثوباً واحداً.

هناك عم طلبة الذي يصلى الفجر حاضر ويحلم بزوجة  
غنية وفدادين وفيلاً في شارع الهرم وعربة وحياة رتبة،  
واحترام ومقام ومعاش من الحكومة..

وهناك عم طلبة آخر يسب الدين ويسرق الزمان

ويبصق على العمارات والفدادين، ويشرب زجاجة خل قبل أن ينام.

وهناك عم طلبة ثالث يقرأ الكتب ويفكر في الحياة والثواب والعقاب ويناقش قضايا مجتمعه..

وهناك عم طلبة رابع يفكر في الانتحار والموت وحرق الدكان وهجرة البلد.. إلى أين؟ لا أحد يعلم.. ولا حتى هو..

وهناك عم طلبة خامس ينام في الجامع ويسرح مع الدراويش ويرتل الأوراد والأذكار ويتوه في البخور..  
وهناك عم طلبة سادس وسابع.. وعشرات.. كل واحد شكل..

وكل هؤلاء هم أنا.. أراهم الآن بنصف عين وقد تفككوا.. وتكوم كل واحد في ركن بالغرفة.. وقد انقطع الحيط الذي يربطهم في شخص واحد.  
هيه.. يا عم طلبة..

أين أنت بعد المشوار الطويل الذي قطعته؟  
أنت في الجراج.. الموتور في مكان.. والعجلات في مكان.  
والمقاعد في مكان.. والبطارية في مكان..

لقد تصادمت بجدار فتهشمت ألف قطعة.. وتبعثرت أيامك..

هل تذكر كيف حدث هذا؟..

إنها قصة قصيرة تروها الجرائد عادة في سطرين..  
لقد تيقظت في الصباح.. وتركت منزلك وقد ملأت بطنك  
بفطور دسم.. ولففت نفسك في بذلتك.. وسرت تترنج  
نشواناً قانعاً بحياتك..

وبلغت الدكان من طرق ملتوية لتستمع بالمشى..  
ولتستمع بوقع قدميك وهما تطرقان حصى الرصيف.  
وفي الدكان جلست.. وتمطأت.. وصحت بأعلى صوتك:  
يا وله. روح هات لى شاي من القهوة..

ووضعت ساقاً على ساق وأرخيت حبال تفكيرك.  
وبين نعاس الرضا ورشقات الشاي وهزات ساقك  
وانسدال جفنيك.. كنت ترى كل شيء في الشارع حلواً.  
يا وله.. هات لى جوزه من القهوة.

وفتحت كتاباً على حجرك.. ومضيت تقرأ.. وتكررك  
بالشيثة.. وتبيع وتشتري.. وتشغل بالقروش في جيبك..  
إن كل شيء على ما يرام..

لقد تغلبت على الجوع والفقير.. وهأنذا تضع ساقاً على

ساق في دكان تملكه وتبيع فيه وتشتري..  
وأنت قرير العين راض عن نفسك.. فكل قرش تكسبه  
هو بكذك وعرقك.. ولا أحد له عندك حاجة..  
وتمددت في جلستك واحتواك الكرسي كأنه حضن...  
وكركرت الشيشة كالقطة عند قدميك..  
يا وله هات الكتب من عند التجليد..  
يا وله هات فحم..  
يا وله امسح الجزمة..  
يا وله نزل الكتب دول من على الرف.. وطلع الكتب  
دول بداهم.. وروح هات السلم من عند عم محمود..  
غبت ليه يا واد.. كنت فين.. انت رحت مت..  
ما لقيتوش؟ طب قاعد ليه.. مستنى إيه.. مستنى طلوع  
روحك.. شايف التراب راقات على الأرفف ازاى.. هات  
المنفضة واطلع نفضه..

امشى.. اتحرك.. ماتبقاش ميت.. نزل اللبنة من فوق  
عشان تغسلها.. رجع اللوح الخشب ده مطرحه.. حطه فوق  
الكرتونة.. شيل الزبالة اللي في السكة دى.. قشها بالمقشة  
قوام.. طلع الصندوق ده بره.. اعدل الرف المائل ده.. كده  
توقع الكتاب على الأرض يا حيوان.. أنت مسطول.. إنت..

ولطشته على وجهه..  
وهرب منك كفأر مذعور وهو يغطي وجهه بذراعه..  
وكان فمه يسيل منه خيط من الدم.. والتصق بالركن وهو  
يتهته:

- والنبى هو الى وقع منى.. والنبى معلىش.. والنبى  
ماغنتش.. دنا يتيم وغلبان وماليش حد.  
وكفت يدك عن الضرب.. ولعلها شلت.. وهى تسمع  
الكلمات الأخيرة..

لقد تذكرت أنك قلت نفس الكلمات.. منذ عشرين  
عاماً.. قتلها لأسطى ورشة السيارات وهو يلوح فى وجهك  
بقطعة حديد وأنت تلوذ بالركن وتحمى وجهك بيدك وترتعد  
من الهلع وتتهته:

- دنا يتيم وغلبان وماليش حد..  
وحملت فى وجه الولد فرأيت صورتك تعود إليك.  
ونظرت إلى يدك كأنك تنظر إلى يد رجل آخر  
لا تعرفه.. رجل متوحش..  
وظل الدم يسيل من فم الصبى وحملته  
الإسعاف.. ومرت عليك ليال لا تنام..  
إن كل ما حدث إنك امتلكت دكأننا.. فتغيرت.. تغيرت

دون أن تدري.. أصبحت تدفع مع إيصالات النور والماء  
وإيجار الدكان أقساطاً من ضميرك كل شهر.. وهكذا يفعل  
أصحاب الدكاكين.. وكل التجار.. فأنت تكذب وأنت  
تسرى الكتب... وأنت تكذب وأنت تبيعها.. وأنت تضغط  
على مصروفاتك.. وتضغط على عنق الصبي الصغير اليتيم..  
ولا فائدة..

وأنت تمسك بخناق الصبي كما كان الأسطي يمسك  
بخناقك، إن الصبي يموت في المستشفى..

وسوف نكتب الصحف الخبر تحت عنوان.. ضرب أفضى  
إلى موت.. وثروى الحادث في سطرين.

ولكن الحادث أكبر من مجرد خبر في صحيفة..  
إنه نافذة واسعة مفتوحة على حياتك يا عم طلبة..  
إن حياتك لم تكن كفاحاً.. وإنما كانت دوراناً في نقطة  
واحدة.. كانت تكراراً..

في البداية كان هناك رجل فقط قاس يضرب صبياً  
صغيراً.. وفي النهاية كان هناك رجل آخر يضرب صبياً  
صغيراً آخر.

لم تفعل شيئاً في العمر الذي عشته..  
كنت مثل أبيك ومثل أسطي ورشة السيارات..

لم تكن موجودًا في هذه الأعوام الستين..  
كانت هناك حوادث تحدث بمقتضى البيع والشراء..  
ودكاكين تفتح وتغلق.. وتحتاج بين حين وآخر إلى  
اعتداءات وجرائم صغيرة..

وكانت هناك جنابات تسعى إلى الأيدي التي ترتكبها..  
ولو تصفحت الجرائد لوجدت حكايتك منشورة في  
سطين.. في جريدة قديمة صدرت قبل أن تولد.. ولوجدتها  
في كل جريدة.. وفي كل يوم..  
أنت مجرد رجل مكرر..

رجل تخلفه التجارة في الدكاكين وتعيش له عمره، ثم  
نقلته.. واسمه أحياناً بيومي.. وأحياناً خليل.. وأحياناً طلية  
اسمه.. أى اسمه.. لأنه في الحقيقة.. لا أحد..

## الشاطر

شقة خاصة..

غرفة استقبال شبيهة بالمخدع. المقاعد عريضة تصلح للجلوس والنوم في وقت واحد.. النور أحمر ضعيف..

الزوجة تجد نفسها لأول مرة في حياتها في هذا الجو المريب.. لقد خرجت من البيت بحجة الذهاب إلى الخياطة ثم ذهبت لتلقى حبيبها في شقته بعد الحاح وإغراء متواصل لمدة سنة.. وبعد أن طمأنها الحبيب بأن اللقاء لن يكون سوى زيارة عادية.. في جو أخوى.. وأنه لا داعى لتصور أشياء لن تحدث بالمرّة..

ولكن الزوجة في حالة تعسة..

إنها تحس بالرهبة والخوف والقلق والتوتر.. وأكثر من  
هذا تحس أنها مهزومة أمام الجو الذي يلعب على أعصابها..  
وأمام الصمت.. والخلوة السرية التامة التي تحيط بها.  
وهي لا تحشى شيئاً أكثر من خشيتها من نفسها.  
إنها تواجه ضعفها لأول مرة. وهي تحس بالتمزق  
والصراع..

أما حبيبها فهو في الركن يعطيها ظهره.. ويعمل على  
جهاز بيك آب ليدير أسطوانته.. ويتحدث بصوت رقيق  
حنون..

- هذه الأسطوانة من أحب الأسطوانات إلى قلبي..  
أعرفين ماذا تقول كلماتها..

يا حبيبي.. لا تدعني..

إني أتوه في هذه الدنيا حينما أفارق ذراعك..

إن حضنك الدافئ هو بيتي.. هو سكني..

هو أهلي الذين أحبهم..

هو أيامي كلها..

يا حبيبي أنت دنيائي..

أنت.. أنا..

والمغنى صوته ساحر.. إنه إيطالى اسمه بيرجيوفانى..  
يضع الإبرة ويدير الجهاز ثم يخفض صوت الغناء حتى  
يصبح كالهمس..

تمضى لحظة.. يبتسم وهو ينظر فى الركن..  
فى الواقع أنه كان يكذب طول الوقت.. فالأغنية  
الإيطالية لا تقول هذا الكلام.. وهو لا يعرف الإيطالية  
بالمرّة.. ولكنه كلام خلقه بالمناسبة فهو شاطر.. مجرد شاطر..  
لذته الوحيدة هى مجرد الشطارة والانتصار، وإجراء  
عمليات الحب بنفس البرود الذى يجرى به الطبيب عملية  
استئصال.. بدون حماس..

وهو يستخدم لسانه كالمشرط يقطع به اللحم الحى  
ويستمتع بلذة غير إنسانية.. غير لذة الحب.. هى لذة  
الخبرة.. والتفوق على الزوجات التعيسات الضعيفات.  
يقرب منها ويمسك يدها ويقبلها.

تسحبها منه بسرعة.. وهى ترتعش كأنها أحست بلسعة.  
- أتخافين منى.

- أنا لا أخافك.. ولكنى أخاف نفسى.. أريد أن أخرج  
من هنا.. أريد أن أهرب.. أريد أن أرجع إلى بيتى.  
تحاول القيام.. يمسك بيديها فى توسل ويقبلها فى حنان

دافق.. تتهاوى على كرسيتها من جديد.

- لا أعرف ماذا سيكون نهايتنا.. ما نهاية كل هذا.  
ما الفائدة.. لقد أضعت نفسى.. كنت أعيش فى تعاسة  
واحدة فأصبحت أعيش فى تعاستين.. كنت متزوجة من  
رجل لا أحبه فأصبحت أحب رجلاً لا أتزوجه.. أصبحت  
ممزقة بين رجلين.. وبين عذابين فى كل لحظة.

تبكى فى حرقة.. يأخذ رأسها فى صدره.. ويربت على  
شعرها.. ويمطرها بسيل من القبلات.. وهمس فى أذنها.  
ما الذى يدعوك إلى التفكير فى التعاسة فى هذه اللحظة  
الجميلة.. وأنت معى وأنا معك.. وأنت تحببى وأنا أحبك  
واللحظة التى نعيشها ملكنا.. لحظة انتصار.. لحظة نصنع فيها  
الحلم الذى طالما حلمنا به وتعذبنا من أجله.

- إنها ليست لحظة انتصار.. إنها لحظة ضياع.. إنها مجرد  
لحظة سوف تنتهى وتخلف لنا الحسرة.

- كل شىء فى الدنيا لحظات تنتهى.. حياتك مع زوجك  
لحظات تنتهى.. وسعادتك لحظات تنتهى.. وعذابك لحظات  
تنتهى.. وأنت نفسك عمر ينتهى.. كلنا سوف ننتهى..  
لا شىء سوف يبقى فى هذه الدنيا.

- إذن ما الفائدة.. ما فائدة أية لذة.

- وما جدوى أى بكاء.. لا توجد حقيقة تستحق منا

أن نبكى من أجلها.. الحقيقة الواحدة هي أنت.. وجودك  
معى الآن.. فى هذه اللحظة.. لماذا لا نعيش هذه اللحظة قبل  
أن تفلت من أيدينا.. ولا تعود.

يحتضنها ويتحسس خدها ورقبتها وصدرها ويتحدث فى  
نبرات خافتة.

- إنى أتذكر الآن قصة طريفة قرأتها من زمان.. قصة  
قسيس كان يزور جارتة الأرملة الجميلة كل يوم ويقرأ عليها  
موعظة دينية لتحفظها من إغراء الخطيئة.. كان القسيس  
يخشى عليها من جاهها ومن حياتها وحيدة، ومن إغراء  
الرجال، وفى أحد الأيام رآها تحزم حقائبها وقد أزمعت  
السفر.. وقالت له إنها سوف تسافر بعيداً.. وسوف تغيب  
عدة أشهر.. واستمهلها القس قليلاً.. ريشاً يأتي لها هدية  
من الدير.. وغاب قليلاً ثم عاد يلف شيئاً فى عباءته..  
ولما فتحت اللفافة.. صرخت فلم يكن ذلك الشيء سوى  
جمجمة ميت متآكلة تساقطت أسنانها.. وقال لها القس فى  
صوت رهيب.. انظرى يا امرأة.. انظرى وجهك فى المرأة..  
أتشاهدين هذه الفتنة الساحرة.. أتشاهدين شعرك الفاحم  
فى سواد الليل وأسنانك الناصعة كاللؤلؤ.. وفمك الأحمر  
كفص العقيق.. وعينيك الصافيتين الزرقاوين كأنها قبس  
من نور السماء.. تأملى هذه الفتنة وانظرى فيها ملياً فما هى

إلا وهم.. ما هي إلا سراب ما يلبث أن يزول.. ولا يبقى  
منك إلا هذا الشيء..

وأشار إلى الجمجمة المتعفنة المتأكلة التي تساقطت  
أسنانها: .. هكذا أنت يا امرأة.. وهكذا نحن جميعاً.. وهكذا  
الدنيا.. وهكذا لذاتها ومفاتها.. كلها أوهام.. باطل الأباطيل  
الكل باطل.. لا شيء يبقى من الإنسان إلا كلمته الطيبة  
وعمله الصالح.

خذى هذه الجمجمة.. انها هديتي التي اخترتها لك  
لترافقك في أسفارك.. وتذكرك في وحدتك بكلمة الرب.  
وأخذت الأرملة الجمجمة وسافرت وغابت شهرين.. ثم  
عادت.. وفي يوم عودتها كان القسيس في انتظارها.. وكان  
متلهفًا.. يريد أن يعرف ماذا حدث في هذين الشهرين:  
وقالت الأرملة وهي تضحك طربًا.. أبتاه.. إني لن  
أكذبك لقد أنفقت هذه الأيام الستين بغاية الحكمة والعقل..  
لقد كنت أنظر كل يوم إلى جمالي في المرأة، ثم أنظر إلى  
مصير هذا الجمال حينما ينتهي به الحال إلى هذه الجمجمة  
العفنة.. فأبكي فزعًا وخوفًا على جمالي.. وأسارع إلى  
الاستمتاع به والتلذذ بمفاته قبل أن تزول.. وهكذا.. كان لي  
في كل يوم من هذه الأيام الستين عشيق مختار أمضى الليل

بين أحضانه وأسكب بين ذراعيه شبابي.. وأسقيه حياتي قبل  
أن يشرب الدود ماء هذه الحياة.

وسقط القسيس المسكين مغشياً عليه قبل أن تكمل  
كلامها.

يسكت.. ويترك المؤثرات الموسيقية تكمل القصة..  
بينما يتحسس شعرها ويقبله.. يميل بقمه ويختلس قبلة خلف  
أذنها.. فترتعد.. يهمس في صوت حنون.

- وأنت أيضاً تعيشين مثل هذه الأرملة مع زوج  
لا تحبينه.. وجمالك يذبل وشبابك يذوى.. وعليك أن تختاري  
بين هذا الموت عبثاً.. وبين هذه الحياة بين ذراعي.. بين حنايا  
قلبي..

تجاوبه بصوت ضعيف فيه آخر أنفاس المقاومة.

- ولكن.. ولكني أم.. وزوجة.. وزوجي هو صديق حميم  
لك.. فكيف يمكن أن.. يا إلهي.

- صداقتي لزوجك مجرد كلام.. وكل حياتي في الدنيا  
مجرد كلام.. الحقيقة الوحيدة التي أعيشها بقلبي هي حبي  
لك.. صوت قلبي يغطي على كل شيء ويحيله إلى وهم.. كل  
شيء يبدو لي الآن وهماً.. كل شيء ما عدا حبي لك.. بيني  
وبين الدنيا ستار يحجب عنه كل شيء.. حياتي في هذه  
اللحظة تشبه غرفة مبطنه بالمرايا، كل بقعة فيها تعكس

صورتينا نحن الاثنين.. ولا شيء سوانا.. لا شيء سوانا..  
نعم.. أنا لا أشعر بشيء سواك.. أنا أعبدك.. أنا مجنون  
بك..

يقبلها في صدرها.. فتسبل جفניה وتسترخي في شبه  
إغواء.. وقد أحست أن الأمر قد خرج من يدها إلى الأبد..  
وأن كل شيء أصبح مباحاً.. وممكناً.

\*\*\*

بعد مرور عشرة أعوام..  
العشيق والزوج يلعبان النرد ويتبادلان حديثاً ودياً.  
الزوج - أنا لا أفهم ماذا يبقيك إلى الآن بلا زواج..  
أتظنها شطارة.

- شطارة طبعاً.. فأنا متزوج ولكن مجاناً.. (يسكت  
لحظة) ولي أولاد أيضاً.

- وهل هذه هي الشطارة في نظرك.. أن تعيش كاللص  
تسرق من كل مطعم لقمة.

- تأكد أني لا أسرق.. وإنما أنا مدعو في هذه المطاعم..  
وأكثر من هذا أنهم يحلفون عليّ لأشارك معهم في كل طبق.

- أنت مخدوع في نفسك.. أنت الآن في الخمسين من  
عمرك ولا بيت لك ولا أسرة ولا حقوق.. مثل الكلب

الضال.. وحينما تطمع فيك زوجة خائنة.. فإنها تطمع فيك باعتبارك بقشيشا.. مجرد بقشيش.. قرش زيادة في مكاسبها كزوجة وأم وكامرأة لها حقوق.. وبعد أن تنفك في ساعة انبساط ترميك مثل العملة الماسحة.. وفي النهاية تعود إلى بيتك فلا تجد لك بيتا.. والعمر يتقدم بك ولا حقوق تتراكم لك عند أحد.. بالعكس خسائر هي التي تتراكم على دماغك كل يوم.

- (في غيظ) أليس من الجائز أن تكون أنت المخدوع.. من أين لك الضمان بأن بيتك لك وحدك.. وأولادك هم أولادك؟

- أنا أعرف رأيك في كل النساء.. إنهن جميعا خائنات.. والرجال جميعهم مخدوعون.. وأعرف رأيك في كل شيء بأنه أكذوبة.. ولهذا أشعر بالشفقة عليك لأن آراءك كانت دائما أكبر عقاب لك.. ولم تكن عقابا لنا.. أنا مثلا لا أفكر ماذا تفعل زوجتي إذا تعيبت ساعة خارج البيت.. لأن زوجتي قطعة من بيتي.. وبيتي مجموعة من الروابط والواجبات.. ومن شأن هذه الروابط أن تصلح نفسها كلما أخطأ واحد منا.. والخير دائما يتغلب على الشر مع طول الزمن والعشرة.. ونحن لسنا ملائكة لنحاسب بعضنا بعضا.

أتظن لو أنك كنت الأب غير الشرعي لابن من

أولادى.. أياكون ابنك.. أبداً.. إنه يكون ابنى.. بالرغم من  
أى ادعاء تدعيه.. لأن البنوة ليست حقاً يولد فى  
جرسونيرة.. وإنما البنوة عشرة وتربية وحب..

وتصور نفسك فى النهاية، وأنت محروم من كل أولادك.  
وليس لك عليهم حقوق.. ولو قلت لواحد منهم.. أنا أبوك..  
فإنه يبصق فى وجهك.. وهذه هى الشطارة التى تدعيها.  
أنا لم يحدث أن اعتبرت نفسى شاطراً.. ولم يحدث أن  
اعتبرت زوجتى مثالية.. أبداً.. أنا حياتى الزوجية بدأت  
بالتكد والسقاق.. ولكنى كسبت زوجتى فى النهاية.. عاملتها  
بحب واحترام وثقة.. ولم أفكر فى مرة أن أشك فيها..  
اعتبرتها لصة وسارقة ولكنى أودعتها مالى وثروتى وكرامتى  
ولم أشك فيها.. وكانت النتيجة أنها أحببتنى فى النهاية. من  
الجائز أنها سرقتنى مرة.. ولكنى واثق من أنها خبجلى من  
نفسها فى المرة الثانية.. ثم كفت عن السرقة.. لأنها أحسست  
إنى أحترمها.

مالك تحملى فى وجهى هكذا.. العب.. ارمى الزهر..  
- «فى ارتباك» أصلها شيش بيش ولا أعرف أين أضع  
القشاط.

- كيف لا تعرف وأنت الشاطر.. وحياتك كلها لعب فى  
لعب.. ضع القشاط فى أى مكان.. إن أى مكان مثل الآخر.

- هل تعتقد أن زوجتك الآن لا يمكن أن تخونك.  
- أعتقد أننا كلما كبرنا.. فنحن نكبر على الأشياء الصغيرة في نفس الوقت.. ولسنا مثلك نصغر على الأشياء الكبيرة.. هذا منطوق لا يفهمه إلا أصحاب البيوت.. منطوق بعيد على أصحاب الخرابات من أمثالك.  
- أنت قليل الأدب.

- أنا قليل الأدب.. وماذا تقول عن نفسك.. يا قليل كل شيء.. ومع هذا فاعذرنى.. فقد تطاولت عليك.. أشفقت عليك من غرورك فأردت أن أفتح عليك الدش لتفريق على نفسك وعلى حقيقتك.. فقد يكون هناك وقت.

- (يفكر في أشياء أخرى).. نعم قد يكون هناك وقت.. ومن الضروري أن أتعجل حالى قبل أن يمضى الوقت إلى غير عودة.. كلامك فى محله.

- العب.. ارم القشاط.. من فينا الغالب أنا أم أنت.  
- لا أعرف.

بعد الحديث بيوم.

العشيق والزوجة منفردان فى إحدى غرف البيت والزوج غائب.

العشيق - فاطمة، سوف أنتظرك الليلة، لا بد أن تأتى.

- ما هذا الكلام الفارغ الذى تقوله.. انت تعرف أن هذه الحكاية انتهت من زمان.. وأنها كانت لحظة ضعف.. ندمت عليها وانتهى كل شىء.

- ولكنى أحبك.. ما زلت أحبك يا فاطمة.

- هل جننت.. ما هذا الحب الذى تتحدث عنه.. وما مناسبتة؟

- هل نسيت ما كان بيننا؟

- وماذا كان بيننا يا أحمد؟ لقد كان بيننا كذبة وخدعة.. وانتهت.

- لا تقولى هذا.. لا تشوهى اللحظات الجميلة التى عشناها معاً.

- (تضحك فجأة) أى لحظات جميلة أيها المجنون.. هل تفهم حقاً ما تقول، هل تدرك متى.. وأين.. وكيف تقوله؟

مثل هذا الكلام كان معقولاً منذ عشر سنوات.. كان له جو موسيقى ونور أحمر، وكانت هناك شابة صغيرة طائشة تستمع لك.. فى هذه الظروف كان مثل هذا الكلام له معنى وله جدوى.. أما الآن.. وفى بيتى.. وفى الصالة.. تقف لتقول هذا الكلام المضحك.. وشعرك منكوش وشايب.. لا شك أنك جننت.

- (في غيظ.. وقد بدأت تتجمع الدموع في عينيه.. وقد عز عليه أن يكون محل سخرية) لم أكن أتصور أن تكلميني هذا الكلام في يوم من الأيام.

- أنا أدرك لماذا أنت متأثر إلى هذه الدرجة.. لأنك أصبحت عاشقاً عجوزاً.. لم تعد حصان الرهان كما كنت في الماضي.. سقط حقدك بمضى المدة وأقلست وسائلك.. لكني ما ذنبي.

- لا بد أن أراك اليوم..

- حاول أن ترى نفسك أولاً في المرآة.. وعد إلى عقلك.. كفى جنونا..

- أنا أعرف أن عشر سنوات مضت منذ ذلك اليوم.. ولكني ما زلت أحبك.. وما الفرق.. بضع شعرات كانت سوداء فأصبحت بيضاء.. ما الذي يمكن أن تغيره هذه الشعرات؟

- أنت مغرور.. كل حياتك غرور في غرور.. إنك لم تحب أحداً.. لقد كنت دائماً تحب نفسك.. ما الذي جعلك بعد عشر سنوات تعود فجأة لتقول.. أريد أن أراك. أهو الحب.؟

لا.. إنه الغرور.. النزوة المتسلطة عليك بأنك الفتى الأول الذي لا يرفض له طلب.. إن علاجك الوحيد هو

المرأة.. اجلس أمامها في الجرسونيرة كل ليلة.. وتفرج على نفسك.. على العشيقة الوحيدة التي أخلصت لها طول عمرك.. أنت مسكين..

يفاجأ بهذه الكلمات.. وينخلع لها فؤاده.. ربما لأنها صادقة.

يصمت ويتخلل شعره بأنامله ليخفي ارتجافها..  
يدور المفتاح في الباب ثم يدخل الزوج في خطوات بطيئة.. شكله يدل على أنه مريض.. ويده على بطنه.. وهو يتلوى من مغص حاد.

- فاطمة.. قربة الماء الساخن.. على عجل.. أرجوك..  
(ينظر إلى أحمد).. أحمد.. مالك واقفا هكذا تحملي في المرأة..  
تتفرج على جمالك السابق.. فتاك يا ولد فتاك.. لم يبق إلا أن تصبغ شعرك وتصبح جيمس دين.. ما أشد ما يحرك منظرك إشفاقى.. إنك تذكرني بأرئيست الحرب التي راحت أيامها.

قربة الماء الساخن يا فاطمة.. آه يا بطنى.  
يتحول البيت في لحظة إلى خلية نحل محورها الزوج ومن حوله حلقة متماسكة من الأولاد البنات والزوجة.. وفي كل عين لهفة.. ودمعة حائرة.. وسؤال قلق.

إنهم جميعاً مشغولون بأبيهم.. وكل واحد يحاول أن يسبق  
الآخر إلى تلبية طلباته. وهم ينسون العشيق الذي يتقلص  
إلى شبح واقف في الظل.. لا أحد يلحظ وجوده.. مجرد كلب  
جربان معدوم الحقوق.. حتى الابن الذي يدعى أبوته يبكي  
أمامه على رجل آخر.

وهو ما يزال ينظر في المرأة.. باحثاً عن رجل قديم كان  
يعرفه منذ عشر سنوات.. رجل كان ينتصر دائماً في كل  
معركة.. ولكنه لا يجده.

ولعله يشك الآن أن هذا الرجل كان موجوداً بالمرّة..  
وأنه انتصر انتصاراً واحداً حقيقياً.

## صاحب الجلالة

وراء الكواليس.. الرواية لم تبدأ بعد والستار مسدل..  
والممثلون في ثيابهم المسرحية يروحون ويجيئون يهمسون  
بأدوارهم.. أحد الأبطال في ثياب الكاهن لا يفكر في دوره  
إنما يتحدث عن حماته.. وعن أجور المساكن.. ومصاريف  
الأولاد.

الملك يجلس بشابه الفاخرة على صندوق سكر مقلوب  
يصغى إلى حديث الكاهن ثم يهمس:

- إديني نص الساندويتش اللي في إيدك.

- ما تبعت يا أخى تجيب لك ساندويتش من البوايه  
وتبطل أمور الشحاته دي.

- اديني قطعة طيب.. قطعة.. أعوذ بالله.. هو أيا باطلت

عزبة.. دنا باطلب قطعة.

- ما انت واكل معايا الضهر.. لحقت تهضم الأسمنت  
الى كلناه.

- واكل معاك مين.. إنت مسطول.. دنا هنا من الصبح  
على لحم بطنى.. قاعد أحفظ فى البروفة وأمثل فيها لما اتبجح  
حسى.. عمال أزعق وأقول.. طيفون طيفون يا وزيرى  
الأبله أما زلت ترصد النجوم.. وتقرأ كتاب الموقى عن  
الغيب.. ها.. ها.. أنت نعسان.. أفق.. افتح عينيك  
جيداً.. لا غيب هناك... ليس هناك سوى أنا وأنت.

وطول النهار على الحال ده.. قاعد مربوط قدام المخرج  
زى مكتبة الغنا.. يدورنى بإيده.. أقف وأقول.. ها.. ها.. ها..  
إنت نعسان.. يروح موقفنى تانى.. ويقول لا.. مش كده..  
بصوت واطى شوية ومليان.. وعريض.. وبلاش ها.. ها..  
ثلاث مرات.. كفاية مرتين.. ويروح مدورنى تانى.. وأنا  
قاعد بطنى تزغور وتمغص.. وتقرص.. وكل ده عشان الفن..  
الفن.. شفنا الفقر عشان الفن.. وشحتنا عشان الفن..  
والآخر شفنا الجوع.. ولسه.. ياما حائشوف..

تصدق بالله يا أحمد.. مش أنا قاعد قدامك دلوقت  
وباضحك.. لكن بيتى بينحجز عليه.. وعفشى بيتباع بالمزاد  
العلنى، والناس واقفين فى الحوش كل واحد يزود على

التانى.. ناس ما أعرفهمش بياكلوا لحمى ويشربوا دى  
ويبيعوا حياتى.. وبعد الحفلة حاروح مالاقيش لى بيت..  
مراقى مطلقه فى بيت أبوها.. وأوده النوم على الخشب..  
صعبان على الفار اللى كان كل يوم بيتعشى معايا.. مش  
حايلاقى أكل النهارده.. ذنبه إيه الفار.. مسكين.. مسكين..  
أصله فار أرتيست.. لازم يجوع زى صاحبه.. فار فقيرى..  
ها.. ها..

إدينى قطعة بقه من السندوتش.. بطنى بتقرص يا سلام  
ده انت فرعون صحيح.. لازم عاوز تتقن دورك يا ناصح..  
حمى الفن برضه.. مش كده.  
يشد شعره من الغيظ.  
- الفن.. الفن.. أروح منه فين..  
ينظر فى الساعة..  
- دورى جه. أما أقوم بقه.. وعوضى على الله فى  
الساندوتش.

- يشد قامته ثم يقف منتصباً.. دماغه تكاد تخرق  
السقف.. ويرسم على وجهه عظمة الملكية وجلالتها  
وجبروتها.. ثم يخطو إلى المسرح فى خيلاء وقد أمسك  
بصولجان الملك فى يمينه.

تمر دقيقة ثم يسمع صوته الجهر المتلى يهز جنبات  
المسرح:

- أين حكيم القصر.. أين شيخ الكهان.. أين حامل  
أختامى.. أين قائد جندى.. أين أولياء الأمر في منف  
ليسمعوتى.. إني أفتح خزائنى اليوم ليفيض ذهبى وخبزى  
وقمحتى على كل مصر فى طول البلاد وعرضها حتى لا يبقى  
على الأرض جوعان.

إنى أمركم بهذا.. أنا ملك مصر المعظم.. وواهب الطعام..  
والخبز للجميع.

يبتسم صديقه من خلف الكواليس وهو يصغى إلى  
كلماته.. وتتدى عيناه بالدموع.

## جرسون

بني جورجيا دس ميخاليدس بسكاليدس جرسون..  
إنسان غير مهم.. فالمجتمع يستطيع أن يعيش بدون  
جرسون.. والأرض تستطيع أن تدور حول نفسها كل يوم  
كالعتاد بدون جرسونات على سطحها.. ولكن بني  
جورجيا دس ميخاليدس ينظر إلى المسألة نظرة أخرى  
جدية.. ينظر من خلال فوطته فيرى الدنيا كالباب الكبير  
لا يستطيع أن يستمر لحظة واحدة بدون جرسون..  
من السهل عليه أن يفهم حياة بدون ماء.. ولكنه  
لا يستطيع أن يفهم حياة بدون بيرة.. وأسعد لحظاته  
حينما يتلفت حوله فيجد عشرات من السكارى هو الوحيد

بينهم الذي يحتفظ بوعيه.. أى تضحية أن تكون زامر الحى..  
ولا تطرب.. أن توزع الانبساط والضحك على الناس  
وتفنع بالعبوس، والتجهوم وعاء الطلبات.. ولكنها المهنة  
الإتسانية.. لقد ولد بجرى فى عروقه النبىذ.. ولد جرسوناً  
عريقاً من البداية.

وأنت إذا دخلت عليه البيت الآن وجدته يترمر إلى  
زوجته كانربنا فى سبل من الكلمات الرومية التى تساقط  
من فمه كالفقايع..

وأنت لن تفهم شيئاً من هذه الهستيريا، ولكنك سوف  
تحس أن بنى جورجىادس ميخاليدس سعيد.. وأنه قد أفرغ  
نبىذ البار فى جوف الزبائن..

وسوف يخرج بنى جورجىادس أتيقاً رتيقاً لامع الشعر.  
إنه ذاهب إلى البار وقلبه خاشع.. كأنه ذاهب إلى صومعة  
أومعبد.. وهو يترنم فى الطريق بنغمة راقصة.  
واحد زبيب قبرصى دوبل.. ثلاثة ويسكى بالصودا..  
ياتينا.. ويمط فى كلمة ياتينا.. ويتأود.. فهى اسم البارمان..  
صراف الخمور.. وموزع اللذات.. وحبيب العمر..  
ما أصغر الدنيا.. بارمان من جنوه وجرسون من أتيقا فى  
بار بمصر.. جغرافية العالم على مائدة واحدة..

ويدخل البار كعادته، قيلفي ابتسامة عريضة على كل  
الغرباء كأنه يعرفهم من سنين.. ثم ينتظر إلى الركن..  
هذا هو الشاعر والى، وحوله ثلة من الشعراء المعتابيه  
يشربون، والشاعر يلوح بذراعيه ويقول شيئاً، والجالسون  
من حوله يحققون وهو لا يفهم إلا كلمة يرددها الشاعر  
بين وقت وآخر.. هي كلمة.. خمرة..

يا خمرة يا ملهمة يا عصير النفوس..

يا خمرة يا مجرمة يا طاحونة فلوس..

ينتورى المنح زى الفانوس..

ويتاكل فى الحجة زى السوس

يا خمرة..

يا دم، جوه الكنوس

سبن اللى ياعك..

يا ساعة ناقصة التروس..

بتوقف العمر قبل الأوان..

يا ساقى هات السم هات الشراب

هات السبرتو، ولع الأعصاب

هات العذاب..

أنا جاي أبيع الذهب..

بسعر التراب..

وأبيع سنين السباب

من غير تمن.  
يا ساقى.. هات.. هات..  
يا خمرة.. أيوه تمام يا مسبو والبي هو ده الشعر  
الأصولي..

ويضع الشعر في الضجة، وفي صيحة بنى التقليدية.. اتنين  
قبرصى دوبل.. ياتينا.. والقوطة تتأرجح في ذراعه وهو  
يتلوى كمصارع ثيران، والجو يعبق بالدخان.. والعطور  
الباريسية ورائحة المزة والشواء..

وفي ركن قصى مظلم يجلس شاب مع فتاة وهو يكاد  
يحيطها بذراعيه، ويكاد يقبلها وهو يتكلم، وبنى ميخاليدس  
يتراقص حوله كالذباية، ويملاً له كأسه كل دقيقة.

- اشربي يا قمورة.. دى الفزازة لسه بحالها..

- أنا دماغى بتلف يا فؤاد.. وعيتى بتطلع نار..

- أنا عاوز النار دى يا حبيبتى.. أنا روحى تليجت من

البرد، من الوحدة.. أنا عاوز النار دى عشان تدقينى..

- هى= إنت وحيد إنت.. يا نارى منك.. يا ويل اللى

تقع فى إيديك، بتاكلها وتتعشى بيها.. يا ديب إنت..

- أنا ديب أنا؟

- أيوه ديب بتاكل الفراخ.. هى= أنا بحبك يا ديب..

- وأنا يحبك يا فرخة..
- وأنا يحبك يا ديب.. أنا.. أنا.. تعبانة.. عاوزة أقوم..
- نروح فين؟..
- نروح بعيد عن الناس.. في الخلا.. عاوزة أضربك واقطعلك هدومك..
- وبعدين؟..
- معرقتن.. بعدين يا ديب..

ويضحكان ويتمايلان وتتلامس الخدود وتضع الضحكات في الضجيج، وفي طرفقة الزجاجات التي يفتحها يني..

وفي ركن مظلم.. رجل ثان لا يشرب وإنما يحرق التبغ وينفث الدخان..

إنه يجلس وحده منذ ساعة.. يشرب القهوة.. ويمز بالسجائر. وقد تحب وجهه فأصبح كتمثال من الصلصال الأصفر.. وتقاطع عليه النور والظل كلوحة بارزة من الرسم التكميبي..

ويني لا يهمه من هذا الرجل إلا أنه لا يشرب.. لا يريد أن يفقد وعيه.. وهذه صفقة ليني وإهانة لكرامته.. وهو لهذا يروح ويحيى ويتأرجح، وقد زاد من انبساطه

إلى الضعف، وبالغ في انحناءاته حتى كاد يدور كالرجل  
حول نفسه، ولكن دون جدوى.

لقد رفع الرجل إلى فمه كوباً من الماء المثلج، ولا شيء  
غير ذلك.. أهو فنان.. أهو شاعر.. أهو فيلسوف.. أهو  
مجنون.. أهو رجل نصاب.. أهو تاجر مفلس.. أهو زوج  
مخدوع؟ ولكن هؤلاء هم الذين يشربون..

ليس هناك إلا تفسير واحد.. أن يكون جرسوناً..  
جرسوناً من الهند أو الحبشة أو مراکش أو اليونان أو أي  
مكان على الأرض.. ليذهب إلى الشيطان إذن.. إنه لا يهم  
بني في شيء..

والليل يتقدم والموائد تنفض ولا يبقى إلا ساح  
الأحذية وبائع اللواتية وبائع الفستق.. ورجل مقطوع  
الساقين يزحف على قطعة من خشب ذات عجلات عند  
الباب.. ويمد يده ليني يطلب إحساناً فيصيح نيني في شراسة:  
- انتي مسكتو واحد جنيه النهارده من الشحاته.. انتي  
أغني مني.. الخشبة دي محشى فلوس، والطاقيه دي محشى  
فلوس.. انتي تبني عمارة من بني.. انتي تخرب بيت بني..  
امشي باللا.. امشي..

وهو يدخل البار ويجمع الجرسونات ويتقاسم معهم  
البقاشيش، ثم يخرج اللبس الرسمي ويرتدي ليس الخروج

ويغلق البار، ويسير في الطريق وهو يصفر.

- خريستو زمانتو راح البيت.. ييقفل البقالة بدرى..  
مغفل مفيش مخ.. لازم يفتحه لنص الليل.. وكاترينا زمانتو  
نام زى الجاموسة.. وكاتى وستلا زمانتو بيرقصوا لسه فى  
الكباريه.. بنات تمام.. ولاد بنى، أصولى دول.. بيمسكوا ميت  
جنبه فى الشهر.. وميشو حمار قليل الأدب.. أقول له افتح  
دكان.. افتح دكان برسيم افتح دكان سبارس.. افتح دكان  
زقت.. افتح دكان قطران.. فايده مفيش.. مخ خشب..  
موش ابن بنى ده موش ابن بنى.. أوخ.. أوخ.. من ميتو

## دقة قديمة

قادني الباشكاتب العجوز إلى غرفته وهو يفتح ذراعيه..  
ويكاد يأخذني في حضنه:

- والله مرحاب.. والله سلامت. شايف أودق واسعة  
ازاي زى ملعب الكورة.

وابتسم في بساطة وهو يدبر رأسه نحوي ويفتح فمه  
فيبدو طقم أسنان هتتر داخله:

- تعرف بقالي كام سنة هنا؟.. ثلاثين سنة بالتمام..  
اتفضل.. اتفضل.. أجيبك قهوة.. حاجة ساقعة طيب..  
ولا ساقعة كمان.. طب خد قزقرز.. يا سلام.. وجاي من

المنيا طوالى.. ده مشوار مليح.

وبدا يقزقز ويضع فى حفاى كيشة من اللب.. وكان يقزقز  
ويتكلم ويضحك وهز رجليه ويديه فى وقت واحد.. وأنا  
أتأمله فى استغراب.

كان كالح البشرة قصيراً بطيناً.. لا يكف عن الحركة..  
وعجبت كيف يعيش إنسان فى غرفة مغلقة لا تدخلها  
الشمس ثلاثين سنة متوالية يزاول عملاً واحداً لا يتغير كل  
يوم.. ومع ذلك يجد القدرة على الضحك.

وبدأت أختنق برائحة التراب والهواء الفاسد..

- اهوا مكتوم أوى فى الأودة يا صبحى أفندى.. مش  
ممكن نفتح شباك.

- شباك إيه يا راجل.. ده الدنيا تلج.

وكان التراب قد وصل إلى حلقى فبدأت أعطس.

- أصل التراب هنا زى النشوق.. أنا بقالى ثلاثين سنة  
أعطس زيك كده.

وسكت قليلاً ثم أردف:

- يا سلام.. من المنيا.. ده مشوار مليح.. كنت ابعت

لى يا أخى وأنا كنت قضيت لك حاجتك وجبتها لحدك فى  
المنيا.. بدل ما تتعب الشعب ده كله.

- يا سيدى كتر خيرك..

- ليه.. كتر خيرى ليه.. دنا نفسى أسافر.. دنا قضيت  
عمرى ما غيرتش الكرسي إالى قاعد عليه.. ده أنا عندى  
المنيا دى زى أورينا.. يا سلام.

وقام من كرسيه.. وهرش قفاه تم أخذ يتلقف متادياً؛  
- يا مندور.. يا مندور.. يا خويا سايبنى هنا لوحدى  
زى الغراب.. ولا ساعى.. ولا قراش.. ولا حاجة.. يعنى  
لازم أحط الكرسي واطلع أجيب الدوسيه من عش  
السحالى إالى فوق.. نهايته.. عشان خاطر ك.. أصلك راجل  
طيب.

وترك مكتبه ورشق القلم الكوبيا فى أذنه وأخذ يحملق فى  
الحائط ويعد على أصابعه:

- وسبادتك بقى من مواليد كام؟

- من مواليد سنة خمسة.

- يا سلام.. يعنى من أيام هوجة عراقى.. دنت أتاريك  
راجل مختصرم.. ده صحيح الدهن فى العتاقى.

مين يا خويا اللى بيعكرت ورا الدولار ده.. يا وله  
اتكن بلاش سقاوة.

- هو ليه حد معانا.. والا إيه؟..

وضحك الباشكاتب.. وظل فمه مفتوحاً برهة.. وعيناه  
الساذجتان تحدقان في وجهي من تحت النظارة.

- تعال يا حودة سلم على عمك.

ونقر على المكتب.

- اظهر وبان.

وأطلت عين صغيرة من خلف الدولاب.. أعقبها وجه  
غطاه التراب وطفل بتدلى فميصة الأحمر خارج البنطلون..  
وقد احتضن عود قصب.

- تعال سلم على عمك.. واديله عقلة قصب.

وتقدم مني الطفل في خجل وقدم لي عود القصب كله..  
وكان وجهه لطيفاً بريئاً.

- ده يبقى سلامتہ محمد ابني.. كل يوم يا سيدى لازم  
بشبط في ويعط.. ولازم ييجى معايا الديوان.. عاوز يطلع  
باشكاتب.. وتبقى له إدارة وإمارة زى أبوه.. الأفرع..  
الزليطة.. ده.

وأخذ يمسح على رأس طفله.. وكانت محلقة بالموس  
وناعمة كالعجورة.

- أنا دائماً أخلق للولاد ثمرة واحد.. مش أحسن برصه  
نضافة.. وأنا كمان بخلق ثمرة واحد شوف..

وخلع طربوشه ومسح على رأسه:

- الواحد تبقى رأسه هاوية..

وضحك في سذاجة.. وفتح درج المكتب وأخرج منه  
خيارة.. دسها في يد الطفل:

- خد ولا تقولش لحد.. أجرى اقعد على المكتب  
بتاعك.. وحرر الدوسيه.. وريني الشطارة.

ونظر الطفل إلى الخيارة متردداً.. ثم اختطفها.. وهروا  
مبتعداً.. وهو ينظر إليها كأنه لا يصدق أنها أصبحت ملكه.  
وانكفاً صبحى أفندى على مكتبه من جديد والضحكة  
ما زالت تلعب على وجهه.. وأخذ يدندن أغنية قديمة.  
وأعجبه صوته فأخذ يبط في المقاطع ويتأوه على طريقة  
الحمولى.

وبالرغم من أن الغرفة كانت مقبضة والجو راكداً..  
والتراب يزكم الأنوف.. فقد بدأت أبتسم، وانتقلت العدوى  
إلى فرحت أهز قدمى على النغم القديم.. وغاب هو في دوامة  
الفن وأخذ يطوح رأسه.

- يا سلام.. إيه الطرب ده كله يا صبحى أفندى.. ده  
انت سلطان.

- يا سيدى الله يخليك.. ده بس من ظرفك.. شوف  
يا أستاذ.

وأدار رأسه إلى ناحيتي.. ونقل القلم الكوبية من أذن إلى  
أذن:

- سوف.. اوعى تصدق ان فيه غنى دلوقتي.. ده كلام..  
الغنا كان زمان.. كان المغنى يقعد على التخت ويقول.. يا..  
يا.. يا.. يا أى حاجة تيجى على محه.. إنما طرب.. متقدرش  
تقعد على بعضك.. ويمكن يقعد يقول.. يا.. يا.. يا.. لغاية  
الفجر وبعدين يقول.. يا قمر.. ومع كده ما تقدرش تسيبه..  
وتبقى قاعد عطشان ومترضاش تشرب.. فن.. فن.. مش  
الكلام البفاضى المايص بتاع دلوقت.. تفتح الراديو.. تلاقى  
واحدة بتقولك.. تعالى ياالله.. تعالى ياالله.. تعالى  
ياالله فىن عاوزه أفهم.. تعرف تقولى فىن.

وعاد يهرش قفاه وينقل القلم الكوبية من أذن إلى أذن  
ويقلب الدوسيهات.

- تعالى ياالله.. فىن.. تعرف تقولى يا مبارك..

ونظر إلى من تحت نظارته ثم عاد إلى الدوسيهات:

- زمن.. هو أصله زمن.. نهايته.. نرجع لشغلنا أحسن..  
بتقول يا سيدى اسم الكريم.. صالح.. صالح.. الـ..  
الشيكشى.. هيه.. هيه أيوه يا سيدى أدى الملف اللى  
عايزينه.. أنا عطلتك شوية.. مش كده.. لكن خلاص  
هانت.. أصل اخواننا هم اللى بيكركبوا على الشغل الكبار

ده.. كل حاجة خد يا صبحى أفندى.. هات يا صبحى  
أفندى.

- إنت أصلك راجل أمير..

- يا سيدى ده من ظرفك.. يا سيدى ده من أصلك..

وغاب مرة أخرى فى الورق يكتب ويخرج طرف لسانه  
من الحماس.. ويمسح رأسه ويتطوح.. ثم رفع عينيه أخيراً فى  
ارتياح:

- الحمد لله.. خلصنا.. يا الله بينا بقى.

ويبحث عن الطربوش حتى وجده خلف الدولاب..

- أما شيطان صحيح.. بقى يا واد مش لاقى حتة

ترمى فيها مصاصة القصب غير طربوش أبوك.

وسحب طفله من أذنه.. وعاقبه بقبلة رنانة على خده:

- ترمى الزبالة فى طربوش أبوك يا كلب.. أنا لازم

أرئك علقة سخنة.

ولم أر على وجهه بوادر لهذه العلقة الساخنة.. بل كان

وجهه سمحاً طيباً يفيض بالإشراق.

وحينما وقف على الباب يجادثنى ويروى لى متاعبه كان

ما يزال يبتسم.

- تصور يا سيدى.. أن المفتش جه وجرده المخزن وطلع

عجز في العهدة مية وخمسين جنيه خصمهم منى.. وبقالى  
ستين بقسط فيهم.. حاعمل إيه.. أصلى راجل باشتغل  
بالله.. أمضى يا صبحى أفندى.. أبصم يا صبحى أفندى..  
استلم يا صبحى أفندى.. سلم يا صبحى أفندى.

كان وجهه صافياً وهو يتحدث عن الظلم وعيناه مليتان  
بالطيبة.

وخيل إلى أن أى عذاب لا يقوى على هزيمة قلبه  
الطيب..

وحينما مضيت وحدى إلى باب المديرية.. ووقفت أدخن  
تحت الجميزة العتيقة.. كنت أفكر فى هذا الإنسان..  
وأتساءل.. ماذا جنى فى مقابل طيبته.

وكان الموظفون يخرجون جماعات صغيرة ويتفرقون عند  
الباب.. ثم شاهدت رجلى الصغير يدور فى الحوش وقد تعلق  
الطفل بينطلونه.. وكلما خطا خطوة.. اجتذب رجلا إلى  
موكبه حتى إذا اقترب من الباب كان قد تحول إلى مظاهرة  
لا تسمع فيها إلا جملة واحدة تتكرر كل مرة بأسلوب.  
مبروك يا صبحى أفندى.. الحمد لله يا صبحى أفندى..  
تعبنك يا صبحى أفندى.. تشكر يا صبحى أفندى.. ممنون

يا صبحی أفندی.. اطلب يا صبحی أفندی.. مرسى  
يا صبحی أفندی.. جايلك يا صبحی أفندی.. أمرک  
يا صبحی أفندی.

وقرات الجواب على سؤالی.. مكتوباً على وجوه الناس.

## الماء و الزيت

كان يقول لها بانفعال وهو يقبض أصابعه ويبسطها:

- إني أعيش في حيرة.. في شك دائم.. وعذاب.. لقد  
مرت على علاقتنا سنة.. وما زلت كما كنت في البداية..  
لا أعرفك.. لا أعرف إن كنت تحبينني أم لا.. ما زال ستار  
التكلف قائماً بيننا.. لم تحدثيني بكلمة واحدة عن ماضيك..  
عن حياتك.. عن آمالك.. وأحلامك. ما زلت تنظرين إلى  
نظرتك إلى رجل غريب تعاملينه بحذر وتحفظ وارتياب،  
وفي الوقت الذي أغير فيه حياتي كلها من أجلك وأترك  
أصدقائي وسهراتي.. وأعيش في حلم مسعمر أنت بطلته..

أجلك تزدادين بعداً عنى كل يوم.. وتعاملينى بجفاء..  
لقد كان لى أمل واحد طول هذه السنه أن أفهمك  
كما أحبك.. أن أحس بأنك تمنحينى حق الصديق على  
الأقل فتشركينى فى مشكلاتك..

ولكن ها نحن أولاء غرباء ينظر كل منا إلى الآخر كأنه  
ينظر إلى كتاب.

إن القبلات التى نبادها تشبه الدق على أبواب مغلقة  
لا تفتح أبداً، والعناق لا يكاد يختلف عن المصافحة..  
إلى ما زلت وحدى.. وأنت ما زلت وحدك..

إننا كالزيت والماء.. نعيش جنباً إلى جنب فى راحة  
واحدة..

ولكننا لا نختلط أبداً مهما رجت الزجاجه..  
هل هذا هو الحب الذى كنت أحلم به؟..  
أريد أن أفتح قلبك لأعرف الجواب.. إن شفئك  
لا تتكلمان.

إن الحكم بالإعدام يريح لأنه حكم.. أما الحياة فى  
القفس أمام قاض لا يحكم ولا يفض الجلسة فهى  
لا تطاق..

قولى لى.. لا أحبك.. لأشريح.

كان يتكلم بانفعال.. وسكت وهو ما زال يقبض أصابعه  
ويسطها..

ونظرت إليه نظرة طويلة مسكينة.. وحاولت أن تتكلم  
ولكن الكلمات لم تسعفها..

ودمعت عيناها ونظرت إلى بطنها العالية.. إلى الجنين  
الذي يتحرك فيها منذ سبعة أشهر.. وقالت في تأثر:  
- أنا لا أفهم في الكلام.. أنا خرساء لا أعرف كيف  
أديج الأحاديث.. لا أعرف كيف أصنع أحاديث مزخرفة..  
وأقول لك أحبك.. أعيدك.. أهيم بك.. لا أنام.. لا أكل..  
لا أشرب..

لقد تعودت أن أصنع لك حياتك دون أن أعلن عن  
صناعتي. ألا تجد أشياءك مجهزة.. وطعامك معداً.. وأثاث  
بيتك نظيفاً.. وقمصانك معطرة؟

ألا تجدني إلى جوارك وأنت مريض.. ملهوفة عليك  
وأنت غائب.. فرحة كالطفلة.. وأنت سعيداً؟

وهذا الذي صنعتك سبعة أشهر من لحمي.. أليس حياً؟  
وأشارت إلى بطنها.. إلى الجنين.. إلى الزيت والماء..  
اللذين امتزجا في أحضانها وأصبحا لها ودماً..  
وبكت في صمت..

## أنا

كان كل واحد في الصالون الأنيق يقول.. أنا.. أنا.. أنا..  
الجراح الكبير ينفت الدخان من سيجار مدلى من فمه  
كأنه مدخنة وابور طحين.. ويتلفت حوله في زهو.. ويلقى  
الحديث على أصحابه في كلمات مرصوفة منمقة..

- أنا.. أنا.. أنا لما كنت في مستشفى هيدلبرج في  
ألمانيا.. عملت العملية دي لوحدى ومن غير بنتج.. في خمس  
دقائق.. لما الجراحين الصغيرين اللي كانوا معايا قعدوا  
يستعجبوا ويصوا لبعض.. عس عارفين طبعا إني عملتها  
ألف مرة في النصر العيني قبل كده.. وإني كنت بعملها وأنا

مغمض... وأفتح بطن العبان كأني بأعزف على البيانو.  
ولم يكن واحد من المستمعين يتبعه، فقد كان كل منهم  
يتعجل دوره ليحكى شيئاً عن انتصاراته هو الآخر ولذلك لم  
يكذ يفرغ من حديثه حتى انطلق رجل عجوز يجلس إلى  
جواره يلوح بيديه قائلاً:

- أنا ما اعرفش في الجراحة.. أنا راجل مهندس.. لكن  
حكاية التميرين دى صحيح.. أنا فاكّر لما وضعت تصميم  
عمارة الأسبوطى.. رسمت الكروكى في نص ساعة وأنا  
باشرب الشاي الصبح.. وبعدين على العصر كان مكتب  
التصميم شغال زى خلية النحل.. والمهندسين مكفين على  
الورق ينفذوا الخطوط اللى رسمتها.. وبعد سنة كانت  
العمارة طالعة زى الزرع الشيطاني.. عشرين دور فوق  
الأرض.. وكل واحد يبخلق.. ويقول ازاي.. ازاي عملها..  
ازاي عملها الجن ده..

ولم يرنى للمحامي أن يكون الصامت الوحيد في الزفة.  
فهرش رأسه هو الآخر وما لبث أن قال:

- في كل حاجة التميرين مهم.. مش بس الجراحة  
والمباني.. في القضايا كمان.. أنا في القضية الأخيرة اللى  
هزت البلد.. استلمت المتهم قطسان من ايد النيابة..  
معترف.. وماضي.. وباصم كمان.. ومع كده كسبت له

القضية.. ليه.. لأنى عشت فيها.. وعشت فى أمثالها ألف مرة  
قبل كده..

وكانت زوجة المحامى طوال الوقت تنقر على كرسيها فى  
ضيق..

- انتو الحقبقة ماسبتوش لنا حاجة يا رجاله.. لكن ايه  
رأيكو انى أنا حاطلع أشطر منكم كلكم.. وانى حاعمل ثلاثة  
زيكو كمان عشر سنين.. حايبقى عندى كمان عشر سنين  
ابن جراح وابن محامى وابن مهندس.. أنا ولا أنتم بقى..  
وكان طفلها يتشبث بها أثناء الحديث ويهمس فى أذنها بين  
لحظة وأخرى:

- أنا حلو يا ماما.. أنا حلو؟

والقيس الوحيد بين الضيوف يميل على الخادم..  
ويقول:

- أنا عاوز القهوة سادة..

والشاب الأسمر الذى يقف إلى جوار النافذة يهمس إلى  
شاب آخر بجانبه:

- أنا عاوز هوا.. هوا.. مايدوروش المروحة دى ليه؟  
وفى وقت واحد كان من الممكن أن تسمع أحاديث  
غريبة لا يمت الواحد منها إلى الآخر بصلة..

- أنا يقولك الحصان ده مش ممكن يكسب.. اوعى تفكر تراهن عليه.. أنا كلامى عمره ما ينزل الأرض انت عارف.

- أنا دماغى بتدق الظاهر الضغط رجع تالى..  
- أنا عاوزهم كلهم يطلعوا وبسيبوني أنا والسبت الحلوة  
الى هناك دى..

- أنا مش ممكن أسيب الراجل الندل ده.. الا ما أوديه  
فى داهية.. أنا لازم أرفع عليه قضية وأدخله السجن.

- أنا اشتريت الأرض من الوقف.. كانت خرابة..  
شوف دلوقت بقى إيه..

- أنا مروح..  
- أنا حانام هنا..  
- أنا..

كل واحد يقول.. أنا.. أنا.. أنا..  
وشعرت بالغيظ وأحسست أن كل واحد من الحاضرين  
كذاب.. وأنه كذب على نفسه حينما حضر هذه السهرة  
بحجة الصداقة.. فلا أحد كان يفكر إلا فى نفسه  
واستأذنت وانصرفت..

وعند باب العمارة.. كان البواب يلوح بذراعه في وجه  
زميله صائحاً:

- أنا مش آرف أنا عمك إيه.. أجيبك من هنا توديني  
هنا.. أنا من النهارده ماليش كلام معاك.. أنا بقالى عشرين  
سنة على الدكة دى ريس البوابين.. وكلامى يسمعه الكبير  
والصغير.. أنا لازم..

وفي الطريق توقفت عند محل.. اشتري منه بعض  
لوازمي.. وكنت ما أزال أفكر في شلة الصالون التي تشبه  
عقدًا منفردًا.. كل حبة في خيط وحدها..

وحينما بلغت منزلي.. كان يجري خلفي صبي صغير  
يحمل لي اللوازم في صناديق على كتفه..

وحينما دخلت من الباب.. مدت يدي فتناولت لوازمي  
وذهبت لتوى إلى غرفة النوم.. وألقيت نفسي على فراشي  
مرهقاً..

وبعد مضي ساعة تذكرت فجأة إنني نسيت أن أنقد  
الصبي أجره..

نسيت لأنني أفكر أنا الآخر في نفسي.. في الأشياء التي  
أريدها.. والأشياء التي لا أريدها..

انفرطت أنا الآخر كحبة وحيدة تجرى في خيط وحدها..  
وشعرت بالخجل والألم.. وجززت على أسناني.. ولم أدر  
لمن أوجه اللعنة.. لنفسى.. أم للناس..  
من المستول عن هذا..؟

## منتهى النجاح

كان المحامى الناجح يمسك بسيجارة زنوبيا ويتلفت حوله مختالاً يلقي بكلمة هنا وبكلمة هناك كأنه يلقي باقة ورد ويتحدث فى إفاضة وإسهاب عن مغامراته فى عالم القضاء والقانون.. وعن غزواته فى عالم الحب.. وعن المغناطيسية التى فى شخصيته.. والثروة التى جمعها من لا شىء.. والترف الباذخ الذى يعيش فيه.. والمجد.. والشهرة.. والذبوع.. والـ.. والـ..

وكان الحاضرون ينظرون طويلاً إلى الرجل الذى يقرءون اسمه كثيراً فى القضايا الكبرى.. وقرءون مراقباته.. ويظالعون صورته..

وكان الصالون واسعاً.. ولكن صوت المحامي كان يدوي فيه.. فيجعله يبدو ضيقاً:

تصوروا.. أهي القضية التي أنا داخل فيها دي خسرانة ميه الميه.. قولولي داخلها ليه.. قولولي.. لأن هنا بيان الفرق بين المحامي والمحامي.. أهو أنا أجرى ورا قضية زى دي، وأشتغل فيها بإيديا ورجلي.. ليه.. علشان يوم ما أجيب فيها براءة يبقى أكتي أحييت ميت..

قضية زى دي، ما أطاليش فيها بتطبيق القانون.. ولكن أنا قس قانونية القانون.. وأدين القانون نفسه.. وأهزه من جذوره.. ودي هية المحاماة..

قضية زى دي تعوز إنك تلف العالم.. مش تقرأ كتاب.. الكتاب ما يعلمش..

الدنيا.. الدنيا.. اللف والدوران.. هو اللي يعلم.. شوغو بقالى قد إيه في سلك المحاماة.. أقل من عشر سنين.. ومع كده مقبش بلد مارحتهاش.. إنجلترا وفرنسا وألمانيا وإيطاليا وأمريكا والسويد.. حتى روسيا..

وفي كل بلد لقيت القانون شكل.. والآخر بقى عندي ألف شكل وشكل في دماغى.. وبقيت أقعد أفك وأركب القوانين على كيفي وأعمل منها براءة..

المحاماة فن.. فن.. شوغوا عبد الوهاب فتان صحح..

لكن أنا فنان أكبر منه.. باعزف على المنطق زى ما هو  
بيعزف على العود..

الحياة فى المحاكم لذة.. ومش بس المحاكم.. فى البيت  
والشارع والمكتب.. شوفوا سنى دلوقت يمكن يقرب على  
أربعين.. لكن أى واحدة بتعرفنى.. بتحبنى وتتعلق بى ويمكن  
تسيب شبان صغيرين علشانى.. وتجربى ورايا مش عشان  
جواز.. أبدأ.. أنا متجوز ودبلى فى صباعى.. إنما عشان  
الشخصية.. والخبرة.. واللف والدوران.. والصرحة..

الناس بتحسدنى وتقول ده مليونير.. أنا صحيح باخد فى  
القضية ألف جنيه.. وعایش فى قصر وخدم وحشم  
وعريبات.. لكن أنا مين كمان.. أنا الأستاذ هارون المحامى.

قال هذا ثم بدأ ينقب فى وجوه الحاضرين عن الإعجاب  
والانبهار.. ثم ابتلع كوب الشاي الذى كان قد برد أمامه..  
دفعه واحدة.. وخيل إلى وأنا أراقبه فى أثناء هذه الخطبة  
الحماسية عن نفسه.. انه يترافع.. كما لو كان متهاماً..

وحينما تفرق الضيوف وانفض الصالون.. ولم يبق أمام  
الأكواب إلا أنا وهو.. رأيت وجهه يتراخى ويستريح..  
وكأنه كان يلهث ويجرى طول الوقت ثم بدأ يسير بسرعته  
الطبيعية.. ثم رأيتة يخرج إلى البلكوتة..

وفى البلكوتة.. أخذنى من ذراعى.. وهمس فى أذنى:

- حضرتك دكتور؟

- أيوه..

- كنت عايز أسألك على حاجة..

وكح.. وبلع ريقه.. ثم أردف:

- فيه طبعا أدوية جديدة عشان الـ.. عشان الـ..

عشان الـ.. قصدى الجنس.. والـ..

وتنحج وسلك زوره وفرك كفيه فى ارتباك وعاد يتهته:

- حكاية الحقن اللى عملوها فى روسيا من القروذ..

- أيوه..

- أنا بسأل عشان واحد صاحبي يعنى.. مش عشاني..

حاكم إنت عارف إن دى مسألة حساسة.. و..

- وماله.. مافيهاش حاجة..

- يعنى.. أنا خفت لا يروح فكرك.. إني أكون يعنى

وضحك ضحكة صفراء مقتضبة وأردف:

- طبعا مش معقول..

ومضغ عدة كلمات فى فمه:

- أنا.. أدبني زى ما انت شايفني زى التور..

والتقط أنفاسه وأخذ يردد:

- زى التور..

وأخذ يحرك يديه كأنه يرفع ثقلا وينفى عن نفسه تهمة  
تلح عليه، ثم سكت فجأة وحملق في وجهى كأنه يبحث عن  
نجدة.. وبادرنى قائلا:

- بس يعنى تفتكر صحيح.. حقن القروود دى بتنفع؟

وراح يفرك يديه فى ارتباك وتوسل..

ونظرت إلى عينيه فى تلك اللحظة.. فلم أجد الأستاذ  
هارون المحامى وإنما وجدت رجلا آخر غلبان جدا..

## كوكو

استديو.. لوحات تخطيطية على الجدران.. تماثيل.. هياكل  
من الطين لم يتم نحتها بعد.. نسخة رخامية من التمثال  
الإغريقي الشهير أوديت، هيكل نصفى لامرأة عارية، رأس  
من الصلصال يعمل فيها الفنان بمطواة، وهو ينظر بين لحظة  
وأخرى إلى امرأة جالسة إلى جواره.

المرأة - آهاتان هما شففتاي..

الفنان - لا.. إنها طعم شففتيك، إنى أحاول أن أضع  
فيها رعشة الحمى ولسعة النار وعذوبة السكر.. ونعومة  
الحرير.. إنى أكاد أتذوق الصلصال وأنا أنحته.. ألا ترين  
لسانى وهو يخرج ويدخل فى فمى.. إنى أنحتك بلسانى.

- أنت وغد.. إن من يسمع هذا يقول إنك تحبني حقاً.

- أتشكين في هذا؟

- إني لا أصدق حرفاً واحداً مما تقوله.. إني تعسة.. إني

أكاد أحس بهذا الاستديو متحفاً للقلوب الكسيرة.. أكاد

أرى كل هؤلاء النساء وهن يدخلن مثلن بقلوب راقصة

كالعصافير.. ويخرجن في النهاية بقلوب ثقيلة باردة كالحجر..

إنك تحول حجارتك إلى نساء.. والشمن ندفعه نحن وحدنا..

بأن نتحول في بيوتنا إلى حجارة.. ومع هذا فأنا أحبك.. إني

ضعيفة.. ضعيفة.. بل مجنونة.. وأنت وغد..

- حقاً.. يالئ من ذئب.. لم أكن أعلم كل هذا عن

نفسى.. دعيني أنظر إلى وجهى فى المرأة..

ينظر فى مرآة مكسورة بالحائط ويحدث نفسه:

- يا لك من ذئب عريق.. كان يجب أن توضع فى قفص

يا ولد.. ويغلق عليك الباب.. أما أن تطلق هكذا فى

الشوارع تأكل بنات الناس فهذا..

تمسك بيده وتقبلها.. ثم تقبله فى خده وشفقيه.. يستمر فى

حديثه إلى المرأة..

- أما أن تطلق هكذا فى الشوارع يا ولد تأكلك بنات

الناس.. فهذا..

تضع يدها على فمه لتسكته ثم تطوقه بذراعيها:  
- هذا مستحيل يا آنسة.. كيف أصدق أن دجاجة تقبل  
ذئباً في فمه.. ثم.. ثم تحضنه.. ثم تندب حظها لأنها راحت  
ضحية..

- لست ذئباً يا كوكو.. انت حبيبي.. أتفهم.. أنت  
متوحش فقط، متوحش في جاذبيتك.. كلامك يلتف حول  
عنق البنات كالحبل.. ونظرتك تخلع عنهن الثياب.. ثم تقطع  
في لحمهن كما تقطع هذه المطواة في الصلصال، والنهاية إنهن  
يجيبنك.. بل يعبدنك ثم يكتشفن أن جنسهن كله يجبك.

- وهذه هي الوحشية..

- نعم وهذه هي الوحشية..

- وأنا في النهاية مبذول من أجل الناس.. وليست لي  
نفس أملكها.. أليست هذه مأساة.. أنت تطلبيني لنفسك..  
وأنا لا أملك حتى نفسي، لأعطيها لك..

يعود إلى النحت ثم ينظر إلى عينيها طويلاً.. ويغطي

عينيه:•

- أحس كلما نظرت في عينيك أني أنظر خلال نافذتين  
مفتوحتين على هوة مظلمة.. هوة عميقة..

أريد أن أعرف ما وراء هاتين النافذتين.. أريد أن أضع

في الصلصال الكلام الذي عجزت عيناك عن أن تقوله.  
أريد أن ألس المجهول خلف الحياة.. أريد أن ألسه..  
ألسه..

يحس بالدوار فيضع يده على عينيه;  
- املئي لي كأسًا من نبيذ بوردو الجيد..  
تلاً له كأسًا. فيسربه دفعة واحدة.. ويطلب كأسًا  
أخرى..

يظل يشرب حتى تنقل أطرافه.. وينظر إلى الأستديو..  
فيبدو في نظره كجمدانة كبيرة بها وجه واحد يطفو في النبيذ  
هو وجه حبيبته..

ثم يده على جبينها وشعرها.. يقبلها..  
- حبيبتي.. لم أعد أصلح لشيء، لقد أصبح رأسي ثقيلًا.  
يريح رأسه على صدرها.. ثم يقبلان في حمى من القبل.

\* \* \*

بعد عشرة أعوام..

الاستديو مليء بالتماثيل.. ما زال تماثال أوديت الإغريقية  
في الركن تحت المصباح.. الفنان يتحت كتلة من الجبس..  
وأمامه امرأة عارية تمامًا، إنها امرأة أخرى غير صديقته  
الأولى.

القنان - أنت تشبهين فينوس التي خرجت من زبد البحر.. أتعرفين بماذا أحس وأنا أنظر إلى جسمك العاري؟  
المرأة - أعرف..

- لا.. إنى أحس بشيء آخر غير الذى فى خاطرك..  
شيء جديد.. صدرك وهو يخفق.. وبسرتك وهى كصيب عرقا.. وعيناك وهما تتألقان بغشاء رقيق من الدمع.. وجفنتك وهو يظرف.. كل هذا يملؤنى إحساسا بحقيقة جسمك.. فأنت غدة.. غدة كبيرة تعمل.. أنت الحياة تتنفس وتتصب دما وعرقا.. أنت الأرض الخصبة وسنبلة القمح وكوز الذرة المثل..

يفعل فيقوم من كرسيه.. ويقرب منها.. ثم يلمسها.  
- نعم.. أحبك..

يبتسم فى سرود.. ثم يعود إلى تمثاله..  
- وأحد هذا أيضا..

يشير إلى التمثال الذى ينحته.

- ولكنك لا تفعل ما يفعله المحبون يا كوكو..  
- إنى أفعل شيئا جديدا.. يجب أن يفعل القنان شيئا جديدا على الدوام..

- إن القنانين أوغاد.. إنهم يفعلون دائما الشيء الذى

لا تنتظره المرأة.. إذا تقدمت لهم كعشيقة عاملوها كأخت..  
وإذا تقدمت كأخت عاملوها كزوجة..

- ها.. ها.. إتهم ذئاب أليسوا كذلك؟

- ليتهم ذئاب..

- إتهم دجاج..

دجاج بمنقار مذهب..

تنظر إليه بغيظ:

يناؤها كأساً من النبيذ ويتناول هو ترموس تحت المائدة  
ويلاً لنفسه كأساً من الينسون المثلج..

\*\*\*

بعد عشرة أعوام أخرى..

الفنان وحده في الأستديو أمام كتلة من الحجر يفكر  
ويكد ذهنه:

- أفكر في تمثال اسمه.. الأم.. أصنعه بدون نموذج..  
أصنعه من قلبي.. من أحاسيسي ومشاعري.. أصنعه من  
الحنان.. والرحمة والرفق..

سوف يشبه صدرًا عريضًا حانيًا وأنداءً ممثلة.. ووجهًا  
يكسوه السلام والمحبة.. سوف يغرى الذي ينظر إليه بأن  
يضع عليه رأسه.. وسوف يهمس لكل طفل بكلمات طاغور:

أنت في سواد العين يا ولدي..  
أنت في حنايا الفؤاد..  
أنت في دمي..  
أنت في روحي..  
أريد لغة.. لغة صوتها أعلى من الشعر..  
يعمل بأزميله في الحجر..

بعد عشرة أعوام أخرى.. وقد أصبح عجوزًا.. وابيض  
شعره كالثلج.. نفس الأستديو وقد تحول إلى معرض..  
زحام من المتفرجين..  
امرأة تتجول هي وزوجها وأطفالها.. وما تليث أن تقبل  
على الفنان العجوز مهللة.. ثم تقبل على أذنه هامة:  
كوكو.. ألا تذكرني؟..

يتطلع إلى وجهها ويتسم في سعادة:  
- أهو إنت يا شقية.. أحقًا تزوجت، وأصبحت سيدة  
بيت.. لكم أنا سعيد بلقائك..  
- أما زلت وغدًا يا كوكو..  
- لقد أصبحت غريبًا.. وطار من حولي المصافير ولم  
تبق إلا تماثيلها، أتذكرين تمالك؟..

سَطر إليه في عطف:

- نعم يا كوكو.. وأذكر نبيذ بوردو الجيد..

تتندى عيناه بالدمع.. ويصافحها في رقة.. تمضي مسرعة  
إلى زوجها..

ما تلبث أن تخرج من الزحام امرأة أخرى وتمس في  
أذن العجوز:

- كوكو.. أتذكرني؟

- نانا الجميلة الرقيقة.. لقد أصبحت سميئة مثل البطة  
لا أستطيع أن أصدق أن هذه هي الغزالة التي كانت تبكي  
بلا سبب..

كوكو.. كوكو.. كوكو..

عشرة النساء تمضي كالأسباح.. كالذكريات الخاطفة كل  
واحدة تتحدث فتبدو كأنها تتحدث من بعيد. ثم تختفي  
كما يختفي سرب من اللحظات.

والآن.. لقد ذهبن جميعاً.. وبقي هو وحده.. وانفض  
المعرض، وخيم الصمت على الأستديو..

وهو يسير مطرقاً.. يروح ويحيى.. شارد اللب.. ثم تأخذه  
نوبة من الانفعال.. فيبدأ في حديث طويل هامس متهدج مع  
نفسه.. وهو يشير إلى قاتيله:

- وهذه في النهاية هي أسرتي.. كلها من الحجر..  
أوديت.. إيزيس.. فينوس.. ديانا.. هرمس.. أفروديت.. آلهة  
الإغريق كلها وأنا على رأسها.. خالق تعسى نسيته  
مخلفاته..

يقترِب من أحد قائله:

- أنت يا نادية.. كنت تسميني ذنباً.. فأين أنت الآن..  
لقد أصبح لك بيت وأطفال ورجل.. وأنا وحيد بين أسرة من  
الحرس..

كنت في سبيل كاليار.. تدفين بابي كلما برد الدم في  
عروقك فأمنحك كأساً.. وحينما فرغت رجاجاتي.. ذهبت  
تبحثين عن بارمان آخر..

كنت كعربة الجلاس في الصيف.. تجد عبارات السبيل  
عندي ما يرطب حلوقهن.. والآن.. هأنذا وحيد.. وحيد..  
لا أجد من يرطب حلقي الجاف الملتهب..

يقترِب من تمثال أوديت:

- أوديت الجميلة.. أنت تفهميني جيداً.. أنت تحملين  
ذكريات ألف عام على كتفك..  
في عينيك استطاع ذلك الفنان القديم أن يرسم ما لم  
أستطع رسمه.. ما خلف الحياة..

أوديت الحبيبة..

يمسح على شعرها ويقبله:

- انظري في عيني.. هناك.. في الهوة المظلمة خلف حياتي.. في روحي.. رأيت حبي.. إنه حب غريب يعشق الحقيقة ذاتها..

إنه لا يقف عند امرأة واحدة.. وإنما يبحث عما وراء كل النساء وما وراء كل الرجال.. إنه يطلب صميم الحياة.. لقد تعذبت بما يكفى وراء هذا الحب وهأنذا في النهاية.. وحيد.. وحيد..

إن كليتنا من مادة واحدة يا أوديت.. كليتنا من مادة الأحلام.. إنى أتمنى أن أفتح عيني فأجد نفسى قد استحلت عموداً من حجر..

لقد تعبت.. تعبت من إحساسى..

يمسح على شعرها ويبكى كالطفل!

# فهرس

صفحة

٣	الوقت رخيص
٩	عنبر ٧
٧٧	القطار
٨٤	لا أحد
٩٦	الشاطر
١١١	صاحب الجلالة
١١٥	جرسون
١٢٢	دقة قديمة
١٣١	الماء والزيت
١٣٤	أنا
١٤٠	منتهى النجاح
١٤٥	كوكو



## صدر للمؤلف

- |                                |                            |
|--------------------------------|----------------------------|
| ٢٣- الغاية                     | ١ - الله والإنسان          |
| ٢٤- مغامرة في الصحراء          | ٢ - أكل عيش                |
| ٢٥- المدينة ( أو حكاية مسافر ) | ٣ - عنبر ٧                 |
| ٢٦- اعترفوا لي                 | ٤ - شلة الأنس              |
| ٢٧- ٥٥ مشكلة حب                | ٥ - رائحة الدم             |
| ٢٨- اعترافات عشاق              | ٦ - إبليس                  |
| ٢٩- القرآن محاولة لفهم عصري    | ٧ - لغز الموت              |
| ٣٠- رحلتى من الشك إلى الإيمان  | ٨ - لغز الحياة             |
| ٣١- الطريق إلى الكعبة          | ٩ - الأحلام                |
| ٣٢- الله                       | ١٠- أينشتين والنسبية       |
| ٣٣- التوراة                    | ١١- في الحب والحياة        |
| ٣٤- الشيطان يحكم               | ١٢- يوميات نص الليل        |
| ٣٥- رأيت الله                  | ١٣- المستحيل               |
| ٣٦- الروح والجسد               | ١٤- الأفيون .. ( سيناريو ) |
| ٣٧- حوار مع صديقى الملمد       | ١٥- العنكبوت               |
| ٣٨- الماركسية والإسلام         | ١٦- الخروج من التابوت      |
| ٣٩- محمد                       | ١٧- رجل تحت الصفر          |
| ٤٠- السر الأعظم                | ١٨- الإسكندر الأكبر        |
| ٤١- الطوفان                    | ١٩- الزلزال                |
| ٤٢- الأفيون .. ( رواية )       | ٢٠- الإنسان والظل          |
| ٤٣- الوجود والعدم              | ٢١- غوما                   |
| ٤٤- من أسرار القرآن            | ٢٢- الشيطان يسكن في بيتنا  |

- ٤٥- لماذا رفضت الماركسية  
٤٦- نقطة الغليان  
٤٧- عصر القروء  
٤٨- القرآن كائن حَيَّ  
٤٩- أكذوبة اليسار الإسلامي  
٥٠- نار تحت الرماد  
٥١- المسيح الدجال  
٥٢- أناشيد الإثم والبرائة  
٥٣- جهنم الصغرى
- ٥٤- من أمريكا إلى الشاطئ الآخر  
٥٥- أيها السادة اخلعوا الأتعمة  
٥٦- الإسلام ... ما هو ؟  
٥٧- هل هو عصر الجنون ؟  
٥٨- وبدأ العد المتنازلي  
٥٩- حقيقة اليهائية  
٦٠- السؤال الحائر  
٦١- سقوط اليسار

### \* مجموعة المؤلفات الكاملة \*

- قصص مصطفى محمود  
روايات مصطفى محمود  
مسرحيات مصطفى محمود  
رحلات مصطفى محمود
- صدرت في بيروت عام ١٩٧٢  
صدرت في بيروت عام ١٩٧٢  
صدرت في بيروت عام ١٩٧٢  
صدرت في بيروت عام ١٩٧٢

حازت رواية « رجل تحت الصفر » على جائزة الدولة لعام ١٩٧٠

رقم الإيداع	١٩٩٧/٥٩٢٣
الترقيم الدولي	ISBN 977-02-5419-3

١/٩٧/٣١

طبع بمطابع دار المعارف (ج . م . ع .)

## هذه المجموعة

تحرص دار المعارف دائماً على تقديم الأعمال  
الكاملة لكبار المفكرين والأدباء. والدكتور مصطفى  
محمود واحد من هؤلاء الذين أخلصوا للقلم. فأتى  
ساحة الفكر والعلم. وطرق أبواباً جديدة لم تفتح من  
قبل. فتوسع إنتاجه بين القصة والرواية والمسرحية  
وأدب الرحلات. إلى جانب تلك المؤلفات التي تحفل  
بالنظرات المعاصرة للفكر الديني والمقارنته بالنظرات  
العلمية الحديثة. والتي لا تزال تثير مزيداً من الجدل  
المفيد.

وقد امتد تأثير فكر الدكتور مصطفى محمود إلى  
القراء العرب من الخليج إلى المحيط كما ترجمت بعض  
أعماله إلى اللغات الأجنبية شاهدة بقدرته على العطاء  
المتنوع.

دارالمعارف

1



دارالمعارف

٠٤٤٠٤٨/٠١

